

## 2 Corintios

### *Jacheuayama*

<sup>1</sup> Atše Pablo, Jesucristbe canye ichmoná, Bëngbe Bëtsá atše chca jtsemnama yojánboşeyeca, Jesucristbeyeca bëngbe catšata Timoteoftaca quem tsbuanácha sentsabiamná, Corinto puebloca Bëngbe Bëtsábeñe oşbuachiyëngcá enefjuanëngbiama, y nyets Acaya luarentşe Bëngbe Bëtsabe nyetsca entşangbiámna. <sup>2</sup> Atše sëntseimpadana Bëngbe Bëtsá Bëngbe Taitá y Bëngbe Utabná Jesucristo, chaboma tşëngaftangbeñe tşabe bendicionënga chaotsemnama y ainaniñe tşabe ebionana chaşmotsebomnama.

### *Ntşamo Pablo tojansufrí*

<sup>3</sup> Bënga mochtsatschuanaye Bëngbe Bëtsá, chë Bëngbe Utabná Jesucristbe Taitá, bëngbe Taitá, chë bëngbiama lastemado yomná, y ndaye padecena soyënguiñe tmojtsemna ora, bënga şondbetsañemuayá. <sup>4</sup> Cha bënga jtsañëmuayana padecena soyënguiñe tmojtsemna ora, chca, bënga chamotsobenama chë tmojtsesufrinënga jañëmuayama, ntşamo Bëngbe Bëtsá şojujabuachcá chënga jujabuáchëse. <sup>5</sup> Er ntşamo Cristo tojansufricá, bënga tşa fsëndësufrina chabiamna oservëniñe; cachcá, Cristbeyëcnaca Bëngbe Bëtsá jamana bënga puerte añemo ainaniñe fchaitsebomnama. <sup>6</sup> Er bënga tmojtsesufrinëse, jtsemnana bënga jobenayama tşëngaftanga jañëmuayama

chë šmojtseufrina ora, y atsebácanënga chašmotsemnama, Bëngbe Bëtsabe soyëngama jouenëse. Chë padecena soyënguiñe tmojtsemna ora Bëngbe Bëtsá šojáñemose, jtsemnana bënga fchayobenama tšëngaftanga jañémuayama, padecena soyënguiñe šmojtsemna ora. Chca, bënga jobenayana tšëngaftanga jujabuáchana, Bëngbe Bëtsábeñe chašmotsobátmanama, chábeñe jtsošbuáchiyëse, y lempe jtsóboyayama, ntšamo bënga fsënjasufricá šmojtseufrina ora. <sup>7</sup> Bënga sempre fsëndobátmana y tšabá fsëndétatšëmbo chë padecena soyënguentšana tšabá šmochjábocanama, er bënga fsëndétatšëmbo, chë ntšamo bënga fsënjasufricá tšëngaftanga šmojasufrima; y cachcá, Bëngbe Bëtsá yochjama tšëngaftanga ainaniñe puerte añemo chašmotsebomnama, ntšamo bënga fchaitsebomnama cha tojamcá.

<sup>8</sup> Jesucristbeyeca atšbe catšátanga, bënga fsëntseboše tšëngaftanga chašmotsetátšëmbo ntšamo bënga Asia luaroca tša fsënjansufrínama. Bënga puerte padecena soyënguiñe fsënjaniyena, nya ndoñe más jauantacá, chentšana vídaca jabocanama ntjatobatmancá. <sup>9</sup> Bënga šontsanëñana mo jóbanama cuaftsamncá. Pero chë soye tonjanoservé, bënga jtsošbuáchiyama Bëngbe Bëtsábeñe, nda inétsama obanënga chámuatayenama, y ndoñe cabëngbeñe ntsošbuáchiyana. <sup>10</sup> Cha šojatsebacá bënga jóbanama puerte resjo enjamnentšana, y cachcá šochjátsebacaye bëngbiama cachiñe cachcá tša resjuiñe chamojtsemna ora. Bënga puerte chábeñe fsëndobátmana, puerte padecena

soyënguiñe bënga chamojtsemna ora, cha cachiñe šochjátsebacama. <sup>11</sup> Tšëngaftángnaca cmontsamna bënga jujabuáchana, bëngbiana Bëngbe Bëtsá jaimpádase; chca, ba entšanga Bëngbe Bëtsá mochanjëtschuaye, er cha tojama bënga chábentšana tšabe bendicionënga fchayóyëngacñama, cha jamëse ntšamo chënga bëngbiana tmojanimpadacá.

*Ndáyeca Pablo Corinto puebløye ndoñe tonjána*

<sup>12</sup> Canyë soye endmëna ndayá oyejuayënga šojtsabiamná: bënga bëngbe ainanentša juabnëngaca jtsetatšëmbuana puerte tšabá jtsamëse ftsiyena ca, ntšamo chë Bëngbe Bëtsabe entšanga endbetsamncá, nyetsca quem luarentša entšángbeñe, y más tšëngaftangbeñe, y bënga jtsetatšëmbuana ntšamo tšabá tifjamcá nyets ainánaca tifjamama. Bënga tondaye chibiatsma quem luarentša entšangbe osertánanaca, ndayá Bëngbe Bëtsá tša tšabia bëngaftaca bëtsemnayeca, šojújabuache chca chamotsiyenama. <sup>13</sup> Er ntšamo fsëntsabiamnamna ndoñe queftsátsboše, ntšamo tšëngaftanga šmojtsalía y cmojtsësertánentšana inyetsá játayanana, y sëntsobátmana puerte tšabá lempe chacmósertama. <sup>14</sup> Mora ndayá atše stsamama ndoñe lempe quecmátësertana. Pero atše sëntseboše tšëngaftanga chama corente chacmósertama; chca, Bëngbe Utabná quem luaroye chaojésabo ora, tšëngaftanga bëngbiana oyejuayënga chašmotsemnama, ntšamo bëngnaca tšëngaftangbiana oyejuayënga fchantsemncá.

<sup>15</sup> Chca ndegombre yomnama atše sëndëtatšëmboyeca, atše sënjanjuabná

tšëngaftangbioye jshétsana jányama, y chca, chë tsabe soye tšëngaftangbiana uta soye jamana, tšëngaftangbioye uta soye jányëse. <sup>16</sup> Atše sënjanjuabná tšëngaftanga jshaftsanyana, Macedonioye ayiñe chëjana matijánachnëngo ora; y chentsana, ya camoye ataboye ora, tšëngaftanga cachiñe jáftsanyana. Chca, tšëngaftanga mašmëñjanobená atše juajabuáchana Judea luaroye játama. <sup>17</sup> Atše chca jamama tsjanjuabná ora, ¿chca tijanma ndoñe corente tsabá ntjenojuaboycá? ¿Tšëngaftanga šmatjajúaboye, ntšamo nye quem luarama enójuabnaye entšanga monduamancá, cachora canye soyama “aíñe” y “ndoñe ca” jayanëse, atše ndayánaca jamama snétsejuabnaye ca?

<sup>18</sup> Canye soye ndegombre endmëna: Bëngbe Bëtsá sempre endbama ntšamo tojayancá, y chca puerte ndegombre endmënayeca, atše ndayánaca chjama ca stjayana ora, chca ndoñe questsbatayana chentsana atšbe juabna jatstrócama, mo canya cachora canye soyama “aíñe” y “ndoñe ca” cuafjatichamcá. <sup>19</sup> Er Cristo Jesús, Bëngbe Bëtsabe Uaquiñá, ndabiana Silvano, Timoteo y atše tšëngaftangbeñe fsënjanabuayiyiná, ndoñe ntsejuabnayana canye soye jamama y chentsana jatsjuabnayana inyetsá jatsmama, mo canye entsá cachora canye soyama “aíñe” y “ndoñe ca” cuafjatichamcá, ndayá chana nyets tempo ntšamo tojtsejuabnacá jayanana y jamana ntšamo ndegombre yomncá, chentsana ntjatstrocaycá. <sup>20</sup> Er ndayá cha tojamiñe, lempe ntšamo Bëngbe Bëtsá tojašebuachenacá

jocúmpliana, mo chë lempe ntšamo Bëngbe Bëtsá tojásebuachenama cha “aíñe ca” cuaftsichamcá. Chíyeca, Bëngbe Bëtsá bënga tmojtsatschuaná ora, Cristo Jesúsbeyeca bënga jayanana “chca chaotsemna ca”. <sup>21</sup> Pero Bëngbe Bëtsá endmëna nda inétsama bënga y tšëngaftanga puerte Crístbeñe chamotsošbuáchema, cháftaca cánÿiñe mo canÿacá jtsemnëse; y Bëngbe Bëtsánaca endmëna nda bënga šojabacacá chabe entšanga chamotsemnama. <sup>22</sup> Cha tojama chë Uámana Espíritu bëngbe ainaniñe cháumashënguama jtsemándayama, y chë soye jtsinÿanÿnayana bënga Bëngbe Bëtsabe entšanga imomnama. Y bëngbe ainaniñe chë Espíritu imobómnyeca, bënga corente jtsetatšëmbuana bënga mochjóyëngacñama lempe ntšamo Bëngbe Bëtsá bënga jatšatayama šojašebuachenacá.

<sup>23</sup> Bëngbe Bëtsá entsonÿá atše ndegombre stsichámuama. Atše Corinto puebløye cabá ndoñe chiyjá, er atše ndoñe quetsátsboše tšëngaftanga jašëchnana, chë bacna soyënga šmojamama, tchojaucácanëse. <sup>24</sup> Bënga ndoñe queftsátsboše tšëngaftanga jamëndana ndayiñe cmojtsamna jtsošbuáchiyana; er tša šmojtsošbuachéyeca, ndoñe quešmochatajbaná Crístbeñe jtsošbuáchiyana. Bëngbe fsëntseboše ndayá tšëngaftanga jujabuáchana, corente oyejuayënga chašmotsemnama.

## 2

<sup>1</sup> Chíyeca atše ndoñe chiyjá jautsëtsayama, er atše sënjanjuabó y sënjanéniyana choye ndoñe jama ca, bacna soyënga šmojtsanmama jábuayenama, y chca, ngménënga játabiamana,

ntšamo chanÿe sënjamcá. <sup>2</sup> Tšëngaftanga ngménaca chašmotsemnama atše stjamëse, ¿nda yochjama atše oyejuayá chaitsemnama, sinó nÿe tšëngaftanga, chë atše ngménënga tijábiamënga? <sup>3</sup> Chíyeca tcbonjanëbuábiamama chë ntšamo šmojualiácá, chca, atše choye stjáshjango ora, tšëngaftanga átšbioye ndoñe ngmená chašmondëbemama. Chca játamamna, tšëngaftangbiamama más tšabá endmëna oyejuayá atše chašmobema. Atše tšabá sënjántatšëmbo ndayá átšbioye oyejuayá šojabemcá, tšëngaftángnaca chca mašmënjánbošena y oyejuayënga chë soye matcmënjánabiamama. Chíyeca atše ndoñe chiyataná, nÿetscanga oyejuayënga jtsemnama ndoñe quenjatopodena ora. <sup>4</sup> Pero chë tsbuanácha tcbonjanëbuábiamama ora, atše corente šonjanongmé y ainana šonjántsetšena chca jabuache soyënga tšëngaftanga jubuábiamama, y chca jamama shëchbuíynaca sënjanoperdé. Pero atše ndoñe checbátanëbuabiamama atše jatsmama tšëngaftanga puerte ngménaca chašmotsemnama, ndayá chašmotsetatšëmbuama atše tša cbababuánÿeshanama.

### *Perdón chë bacna soye amabiamama*

<sup>5</sup> Y mora, chë tšëngaftangbeñe puerte ngménana chaotsemnama tojama boyabásabiamna, cha átšbioye ndoñe ngmená chešnátsbema, ntsachetšá tšëngaftanga tcmojabiamcá, ínÿengbioye ínÿengbiamama más. Chca séntsichamo, er atše ndoñe quetsátsboše jayanama ntsachetšá tojamama cha más bacna soye tojamama ca. <sup>6</sup> Banga tšëngaftanguentsënga ntšamo

šmojamcá, chë entšabíama ya bëts castigo entsemna. Nye nyetšá ponto. <sup>7</sup> Chamna, ndayá mora cmojtsamna jamamna entsemna, cha jtseperdónana y jañémuana, chca, ndocna tšabe soye jamama ndobená ndoñe chaondëtsemnama, chë castiguama puerte ngménaca bétsemna causa. <sup>8</sup> Chíyeca, tšëngaftanga cbaimpadá cachiñe tšabá chašminyinyé chábioye corente šmobobonshánama. <sup>9</sup> Tempo ya chama tcbonjanëbuábíama, atše jinýama tšëngaftanga aíñe o ndoñe šmontsanprontánama, lempe ntšamo tcbonjanamëndacá jamama. <sup>10</sup> Chcasna, ndánaca ndayánaca tšëngaftanga chašmojaperdoná ora, átšnaca cha chantseperdóna. Y atše cha chantseperdóna, ndayá japerdónama ndegombre tojtsemnëse. Y chca chanjama tšëngaftangbe tšabíama y Cristbe delante. <sup>11</sup> Atše tšëngaftangcá, quem entšábíoye šcoperdoná chë bëngbíama tojama bacna soye; chca, Satanás ndoñe chaondobenama bënga jáingñama, er bënga mondëtatsëmbo cha inétseboše ndaye bacna soye entšá chaotsamama.

*Ndáyeca Pablo ndoñe natjëmbana Troas puebloca tontsanoquedañe*

<sup>12</sup> Atše Troas puebloca sënjánashjango ora, Cristbe tšabe noticiënga jábuayenama, atše sënjáninye Bëngbe Utabná tojanma chentše banga chë buayenana soye chamouenama y chëngbe ainaniñe chana chamóyëngacñama. <sup>13</sup> Masque chca enjamna, atše ndoñe quetstétsobena natjëmbana ainana jtsebomnana, er atše sënjanjuabná Jesucristbeyeca bëngbe catšata Tito

chentše jinÿenana, pero ndoñe chca. Chíyeca, Troas pueblentša entsanga sëntanadiošoftaná, y Macedonia luaroye sënjána.

*Crísoftaca cánÿiñe mo canÿacá jtsemnëse, bënga mo ayënjanayëngcá jtsemnana*

<sup>14</sup> Atše Bëngbe Bëtsábioye sëndbétsatschuanaye, bënga bacna soyënga jamama juabnënga cha tojanëÿënjanama, tempo šojanamënda juabnënga; y chë mora bënga Crísoftaca cánÿiñe mo canÿacá jtsemnëse, nÿets tempo cha šnetsënachayama, mo canÿe ayënjanayacá, y chë nÿets luarenache entsanga Cristbiana soyënga chamotsábuatmama bëngaftaca cha yoÿtsamama, mo nda canÿe botamana uanguëtše soye nÿets luarënguenache chauáshanama cuaftsamcá. <sup>15</sup> Er chë incienso toÿtsejuínÿinÿana ora, entšábioye tšabá juanguëtšenana; cachcá Cristbe tšabe noticiënga fstsabuayiná ora, Bëngbe Bëtsabiana bënga jtsemnana chë ndëmuanÿënga tmoÿtsama cha oyejuayá chaotsemnana. Incienso tcoÿtsejuinÿiná ora, nÿetscángbioye juanguëtšenana. Cachcá, Bëngbe Bëtsabe palabra fstsoyebuambná ora nÿetscanga jouenana, Cristo yoÿtsatsebacanga y chë pochocánënga jtsemnana imoÿtsajnëngnaca. <sup>16</sup> Chë pochocánënga jtsemnana imoÿtsajnëngna, pochocánënga mochanjábocana, er ntšamo bënga fsëndabuayinacá y tmojouencá chënga tmoÿtsaboté; y chca, chëngbiana chë tšabe noticiënga jtsemnana mo canÿe obanabe uanguëtšanacá. Pero chë Cristo yochjátsebacangna, tšabe noticiënga tmojóÿëngacñeyeca, mochanjobenaye tšabe vida



nÿets tempo jtsebmnama; y chca, chëngbiana chë tšabe noticiënga jtsemnana mo canÿe puerte botamana uanguëtsancá. Y asna, ¿nda obenana yojtsebmna chë tšabe noticiënga jábuayenama trabajo jtsamama? <sup>17</sup> Bënga chë tšabe noticiënga ndoñe queftsatabuayiyná, ntšamo ba entšanga imojtsamcá, mo nÿe batšá uámana soyënga cuaftsemncá, y ndayánaca juácanama, mo nda ndaye nduámana soyënga cuaftsencá. Banga chca mondama; bënga ndoñe. Bënga, Crístoftaca cánÿiñe mo canÿacá jtsemnëse, fsëndabuayiyná mo Bëngbe Bëtsabe delante cuaftsemnëngcá, ndegombre nÿe ntšamo tšabá yomncá nÿets ainánaca jtsebošëse, y mo Bëngbe Bëtsabe ichmonëngcá.

### 3

#### *Chë Bëngbe Bëtsabe tsëm tratama buayenana soye*

<sup>1</sup> Chca bëngbiana fstsjayana ora, tšëngaftanga cmojtsinÿana ¿bënga cachiñe tiftëtontsé cabënga bëtsëtsanga enobiamnayana? ¿O bënga šojtsamna, mo inÿengcá, tšëngaftanga juyentšbuáchiyana o juátjañana tsbuanachangá, bënga tšabá ftsamama chëchangaca jinÿanÿiyama? <sup>2</sup> Bënga bëngbe ainaniñe puerte tšabá fsëndëtatšëmbo, nÿetsca entšanga, ntšamo tšëngaftanga jtsamëse šmoyencá tmojinÿe ora, tšëngaftanga jtsinÿanÿayana bënga ndegombre ntšamo tšabá yomncá ftsamama. Chca, tšëngaftanga jtsemnana mo canÿe tsbuanachacá, nÿetscanga jtsabuatmana y jtsobenana jualiana, bënga tšabá ftsamama. <sup>3</sup> Nÿetscanga tšabá mondëtatšëmbo Cristo tojanma tšëngaftanga

chábeñe chašmotsošbuáchema, y bēngaftaca cha chca tojanmámna. Chca, tsēngaftanga šmondmēna mo Cristbe canye tsbuanachacá, ndayécha quem luarentša entšangbiye tojuyentšbuaché bēngaftaca. Tsēngaftanga ndoñe chešmatanobená Crístbeñe ošbuáchiyēnga jtsemnama entšangbe trabájoca, er Crístbeñe šmonjanošbuaché chē Bēngbe Bētsá Ainabe Espíritbeyeca; y chca, tsēngaftanga šmondmēna mo canye tsbuanácha cháftaca uabemanéchacá, y ndoñe mo entšangbeyeca uabemana tsbuanachacá. Bēngbe Bētsá chē mandēnga ndētšbé tablēbenguñe tojanábema, entšanga chamotsobedecénama, pero tsēngaftangna Cristbe buayenana soye tsēngaftangbe ainaniñe šmojóyēngacñe.

<sup>4</sup> Crístbeyeca Bēngbe Bētsábeñe jtsošbuáchiyēse, bēnga corente fsēndétatšēmbo chca ndegombre bētsemnama. <sup>5</sup> Ndoñe quenátsmēna, nye bēnga cányēnga quem trabajo jamama fstsobena y jātayanana bēngbe soye chē trabajo yojtsemna ca, er bēnga jtsobenana chca jamama, nye Bēngbe Bētsabe ujabuáchenanaca; <sup>6</sup> er cha tojama bēnga fchayobenama quem trabajo jamama, chē entšanga jábuayenana Bēngbe Bētsá chabe entšangbiye tojanašebuachená soyēngama, ndayá Cristo tojanma sóyeca, mo canye tsēm tratcá, Bēngbe Bētsá y chabe entšangftaca. Quem soye ndoñe quenátsmēna mo chē Bēngbe Bētsá tempo Israeloca entšangbiye léyeca tojanašebuachená soyēngcá. Inyetsá; entšanga mondama Bēngbe Bētsabe tsēm trato, Uámana Espíritbeyeca. Chē

natsana trato, chë uabemana ley, ntšamo chiñe iuabemancá ndoñe tconjama causa, entšá jóbanama jtsemnana; pero Cristbe tšabe noticiënga, chë tsëm trato, entšanga ainaniñe tmojóyëngacñe ora, chë Uámana Espíritu jamana, chë nýetsca tescama yomna tšabë vida chënga chamotsebomnama.

<sup>7</sup> Quem Moisesbe ley, chë ndoñe tmonjobe-decema entšanga jóbanama jtsamnana, ndëtšbé tablëbenguiñe letrëngaca tmojanábema, y Bëngbe Bëtsá Moisésbioye tbojanantsabuaché ora, cha tša buashinýinýaniñe tojánabo. Chë causa entšanga ndoñe imontsobena ni mo jinýana Moisesbe jubiá, er tša ibojtsanjuebëbuashinýinýana, Bëngbe Bëtsáftaca tbojánencuententšana tojtanabo ora. Pero betesco tojanéjbana chë jubiá chca buashinýinýanana. Chë ley, chë natsana trato, Bëngbe Bëtsá tojanayentšbuaché ora, tša buashinýinýanáncaca cha tojanmëse; <sup>8</sup> ndegombre, más bën y uámana tempo entsemna chë Bëngbe Bëtsá bënga šojanašebuachená tsëm soyënga yojtsama ora, chë Uámana Espíritu bëngbe ainaniñe cháuamashënguama Bëngbe Bëtsá tojama ora. <sup>9</sup> Bëngbe Bëtsá chë ley tojanayentšbuaché ora, chë ndáyeca entšanga jóbanama yojánamna, ntšamo chiñe betsayancá ndoñe tmonjama causa, chora cha chca tojanma puerte chabe buashinýinýanana jinýanýiyëse; ndegombre más bën y uámana tempo entsemna chë mocna ora Bëngbe Bëtsá yojtsama entšanga chabe bominýiñe tšábenga chamotsemnama. <sup>10</sup> Er chë Bëngbe Bëtsá ley tojanayentšbuaché ora tojaninýanyé buashinýinýanana, mora jtsinýnana mo ya tondaye

cuabndëtsemncá, chë Bëngbe Bëtsá entsangbiamama tsëm soyënga tojtsamama tcojtsonyá ora, chë tša buashinÿinÿanana yojtsemna ora. <sup>11</sup> Er chë leyama tempo, chë ya jochnënguama tempo entsemna ora, Bëngbe Bëtsá chabe buashinÿinÿanana y uámanana tojinÿanÿese; ndegombre chë Bëngbe Bëtsá tsëm soyënga entsangbiamama jamama ora, chë ndocna te yochanjochnëngo tempo ora, Bëngbe Bëtsá más chabe buashinÿinÿanana y uámanana echántsinÿanÿnaye.

<sup>12</sup> Y chca, Bëngbe Bëtsá chca bëts soyënga yochjamama fsëndobatmánayeca, bënga fsëntsobena jóyebuambayama, nÿetsca soyëngama jayanëse, tondayama ntjatauatjá. <sup>13</sup> Y chca, bënga ndoñe Moiescá queftsátama, chë chabe jubiá chaobuashinÿinÿenama Bëngbe Bëtsá tojanma ora, canÿe entsëjuaca yojtsenamochécjua; cha chca tojanma, chë Israeloca entsanga ndoñe chamondobená jinÿama chë jubiá buashinÿinÿanana ya yojtsëchnëjuana ora. <sup>14</sup> Pero Bëngbe Bëtsá tojanma chënga ndoñe chaondósertama ntšamo Moiesbiajana cha tojanayancá. Y cabá quem tempo, ntšamo Bëngbe Bëtsá Moiesbiöye tbojansbuachenacá chëngbiamama jamama, Israeloca entsanga tmojtsalía ora, ndoñe ntsësertánana Bëngbe Bëtsabe ndegombre soyënga, mo chëngbiamama iytëmena soyënga cuaftsemncá, mo chë Moisés yojtsenamochécjua entsëjuacá. Y chca endmëna, er nÿe Crísoftaca cánÿiñe mo canÿacá jtsemnëse, chënga jtsoobenana chë soyëngama jósertana, y iytëmencá ya ndoñe ntsemnana.

15 Y mentscoñama, Moisesbe librësangá chënga tmojtsalía ora, ndoñe ntsësertánana Bëngbe Bëtsabe ndegombre soyëngama, ntšamo chiñe tojtsayancá jamama ndoñe montseboše causa. 16 Pero canye entsá chë Bëngbe Utabnabe benache tojishache ora, cha jtsobenana chë soyëngama josértana. 17 Y Bëngbe Utabná y Espíritu canya bondmëna, y Bëngbe Bëtsabe Espíritu tojtsemnentse, chë bacna soyënga jamama juabnënga, ni chë ley ndoñe ntsemándayana. 18 Moisés chabe jubiañe Bëngbe Bëtsabe buashinÿinÿanana y uámanana tojaninÿanÿé, y chíyeca, canye entsëjuaca yojtsenamochécjua, chca, chënga ndoñe chamondinÿama. Pero bënga ošbuáchiyënga nÿetscanga jtsinÿanÿayana Bëngbe Utabnabe buashinÿinÿanana y uámanana, mo canye espejo canye soye tojtsinÿanÿnacá, y ndoñe queftsátsboše ntšámnaca jamëse chë soye jatsëytamianana. Cha bëngaftaca yojtsama cada te más chë ntšamo cha yomncá bënga chamotsemnana, cada te más bëtsétsanga chë ntšamo cha yomncá jtsemnëse. Chca endmëna ntšamo Bëngbe Utabná yojtsama; y Bëngbe Utabná y Espíritu canya bondmëna.

#### 4

1 Y chca, Bëngbe Bëtsá bëngbiama lastemado yómnyayeca, quem trabajo šojabanÿé, jtsabuayiynayama chë Crísoftaca tojašebuachená soyënga; y chíyeca bënga ndocna te ntjájbanana ainaniñe añemo bomnana. 2 Bënga fsëntsaboté chë ínÿyenga iytemencá imnétsama soyënga, chë ínÿyenga tmojinÿe ora chama jtsëuatjana, y chë ínÿyenga entsanga jáingñama imnétsama soyëngnaca,

y Bëngbe Bëtsabe buayenana soye ndoñe queftsatstróca ndoñe ndegombre soyëngaca. Chamna, bënga sempre nÿe chë ntšamo ndegombre yomncá fsëndbétsoyebuambnaye, mo Bëngbe Bëtsabe delante cuaftsemnëngcá jtsamëse; y chca, bënga fsëndbëtsama cada entšabe ainanentša juabnënga chamuayanama, bënga ndegombre soyënga fstsoyebuambná ca. <sup>3</sup> Y nderado bënga chë tšabe noticiënga fstsabuayiyná ora, báseftanga chë soyënga chaósertama ndoñe tontsopodénëse, nÿe chë pochocánënga jtsemnama tmojtsajnëngbiamna chca jtsemnana. <sup>4</sup> Chëngbiamna, chë Crístbeñe ndošbuáchiyëngbiamna, chë quem luarentše mora mandayá, Satanás, tojama chë buayenana soye ndoñe chaondëtsësertánama; chca, chënga ndoñe chamondinÿama chë tšabe noticiënguentšana puerte bëts y tšabe soyënga, chë Cristo puerte bëtsá y obená yomnama ínÿanÿnaye soyënga, nda nÿetsca soyënguiñe Bëngbe Bëtsacá yomna. <sup>5</sup> Bënga ndoñe nÿe cabëngbe soyama queftsatabuayiyná, ndayá Jesucristbiamna mo Bëngbe Utabnacá. Bënga bëngbiamna fsëndbáyana mo oservenëngcá fstsmëna ca, tšëngaftanga jujabuáchama; y chca fsëndbëtsama Jesús jasérviamna. <sup>6</sup> Er Bëngbe Bëtsá, nda quem luare jobojátšama ora tojanmandá binÿniñe ibetentšana chaóbocnama, chánaca tojama bënga ainaniñe tšabá chabe soyëngama chašotsësertánama, chca bënga fchayobená juabuátmanana chë Bëngbe Bëtsabe uámanana y obenanentšana inétsobocana osertánana, ndayá Crístbeñe bënga mondonÿá.

*Bënga fsëndoyena Crístbeñe jtsošbuáchiyëse*

<sup>7</sup> Pero chë puerte tšabe y bëts soye, chë Cristbe buayenana soye, bënga mondbomna cuerpiñe, bëngbe ainaniñe; y chë cuerpënga jtsemnana nÿe mo matbajëngcá, ndoñe yapa obenana ntsebomnana, chca, jinÿanÿiyama tša bëts obenana Bëngbe Bëtsábiocana yóbocanama, y ndoñe bëngbentsana. <sup>8</sup> Y chca, bënga nÿetsca padecena soyënguiñe vida fsëndbomna, pero ndoñe queftsátsmëna ndobenënga chë padecena soyënguentšana tšabá jabocanama; ndoñe queftsátstatsëmbo ndayá jamama šojtsamna, pero ndoñe queftsátsmëna ntsobencá jtsobátmanama quem padecena soyënguentšana tšabá jabocnama. <sup>9</sup> Inÿenga montsama bënga puerte fchaisufrima, pero Bëngbe Bëtsá ndoñe nÿe cachcá šontsabashejuana; mo nda ínÿabioye cuafjutsencá tmojtsentsjaná ora, ya jóbama jtseprontánana, uayayënga bënga jtsëbáyama imojtsejuabnangbe cucuatšiñe fsëntsemna, pero cabá ndoñe ntjobáyana. <sup>10</sup> Inÿenga sempre jtsamana bënga bëngbe cuerpiñe puerte fchaisufrima, y jobanámnaca resjo jtsemnana, ntšamo Jesúseftaca tmojanmcá, cha chaosufrima y chaóbanama. Chca bëngaftaca endopasana, chca, ínÿenga chamobená jinÿama Jesús bëngbeñe vida yobomnama. <sup>11</sup> Er bënga vida fchabomnëntscuana, sempre puerte resjo bëngbiamá jëftsemnana jóbana, Jesúsbioye servena causa; y chca endmëna, ínÿenga chamobená jinÿama Jesús vida yobomnama bëngbe cuerpiñe, chë canÿe te yochjopochóca cuerpo. <sup>12</sup> Y chca, bënga tša

fsëndësufрина y jobanámnaca resjo endmëna; y tšëngaftanga tšabe noticiënga šmojóyëngacñayeca, Bëngbe Bëtsá tojama chë nyetsca tescama yomna tšabe vida chašmotsebofnama.

<sup>13</sup> Bëngbe Bëtsabe uabemana palabrënguifne endayana: “Atše sëntsanošbuaché y chíyeca sënjanoyebuambá ca.” Bënga cachca ošbuáchiyana fsëndbomna chë chca tojanayanacá, y chíyeca bëngnaca Bëngbe Bëtsábeñe fsëntsošbuaché y chabiana fsëntsoyebuambná. <sup>14</sup> Er bënga

fsëndétatsëmbo, Bëngbe Bëtsá, nda tojanma Bëngbe Utabná Jesús cháuatayenama, chánaca yochjama bënga Crístoftaca cánýiñe mo canýacá jtsemnëse, bënga chámuatayenama, y tšëngaftangaftaca cánýiñe cha yochtsemnoye šochjúshejango.

<sup>15</sup> Lempe ntšamo bënga fstsama y fstsésufrincá tšëngaftangbe tšabiana endmëna; chca, más becá entšanga chábeñe chamojtsošbuaché ora, ba tšabe bendicionënga Bëngbe Bëtsá entšangbiana jtsamëse, más becá entšángnaca chábioye chamotsatschuaná, ndayá chëngbiana cha yochjamama; y lempe chca, Bëngbe Bëtsá puerte uamaná y obená yomnama nyetsca entšanga chamotsichámuama.

<sup>16</sup> Chíyeca bënga ndoñe ntjájbanana ainaniñe añemo bomnana. Masque quem luarentša bëngbe cuerpo cada te jtsopochócyana, Bëngbe Bëtsá jamana chë bëngbentsana nyets tempo vida yochtsebofnama soye, cada te más obenana chaotsebofnama; y chca, bënga jtsemnana mo tsmëma entšangcá. <sup>17</sup> Ntšamo bënga mora fsëndësufrencá endmëna nye quem luarentše vida tmojtsebofnëntscuana, y chca, chë soye



jtsemnana mo canÿe nduámana soycá; pero ntšamo bēnga fsēndēsufincá josérviana bēnga jtsebmnama chē Bēngbe Bētsá šochjatsataye puerte bēts uámanana y obenana, cháftaca nÿets tempo vida jtsebmnama, chē ndayá yomna nÿetsca soyēngama más bēts y uámana soye. <sup>18</sup> Er bēnga nÿe chē tojtsopodena jinÿama soyēnguiñe ndoñe nÿets tempo queftsatsjuabná, ndayá chē ndoñe yondopodena jinÿama soyēnguiñe; er chē bēnga imobena jinÿama soyēnga ndoñe nÿetsca tescama ntsemnana; pero chē bēnga ndoñe mondobena jinÿama soyēnga cocayé nÿetsca tescama jtsemnana.

## 5

<sup>1</sup> Bēnga mora mondbomna canÿe cuerpo quem luarentše vida jtsebmnama. Quem cuerpo yomna mo chē jtsatsjacama yopodena yebncá, cánÿentše ndoñe nÿets tempo ntjēftsemnana. Bēnga mondētatsēmbo, quem cuerpo canÿe te tojtsopochocase, Bēngbe Bētsá yochjama bēnga tsmēma cuerpēnga chamotsatsbmnama, celoca nÿetsca tescama vida jtsebmnama, Bēngbe Bētsabe pormana cuerpēnga y ndoñe entsangbe pormana cuerpēnga. <sup>2</sup> Chiyeca, bēnga quem luarentše chca vida tmojtsebmnnēntscuana, yapa tmojtsesufrina causa, bēnga tša jtsebošana betscó Bēngbe Bētsá celoye chašúyambama, y bēnga nÿets tempo celoca jtsiyenama tsēm cuerpo jtsebmnama cha chaomama; <sup>3</sup> chca, Cristo yochjésabo ora, bēnga chē tsēm cuérpoca chamotsemnana, y ndoñe nÿe espíritu ndocna cuérpoca. <sup>4</sup> Bēnga quem cuerpiñe,

chë quem luarentše vida jtsebomnama cuerpiñe chamojtsiyenëntscuana, yapa padecena soyënguiñe sufrina causa, bënga jabuache mochanjáshachna; chca echántsemna ndoñe nÿe chë espíritu ndocna cuérpoca jtsemnama bënga imojtsebóseyeca, ndayá masna, bënga chë tsëm cuerpo chamotsebomnama Bëngbe Bëtsá chaomama imojtsebóseyeca. Bënga fsëntseboše chë bëngbeñe jopochócama yomna soye Bëngbe Bëtsá lempe chaotrocama, chca, bënga chamotsobenama celoca nÿetsca tescama vida jtsebomnama. <sup>5</sup> Y Bëngbe Bëtsá endmëna nda tojama bënga chamotseprontánama chë tsëm cuerpo jtsebomnama, y nda tojama Espiritu bëngbe ainaniñe cháuamashënguama, chca bëngbioye jinÿanjÿiyama, bënga ndegombre mochjóyëngacñe ndayá Bëngbe Bëtsá tojašebuachenacá.

<sup>6</sup> Y chca, bënga sempre ainaniñe bëts añemo fchandbétsebomna. Bënga fsëndétatsëmbo, quem cuerpiñe cabá vida bënga mochjëftsebomnëntscuana, bënga ndoñe mochántsemna Bëngbe Utabná yojtsemnentše. <sup>7</sup> Er mora bënga fsëndoyena jtsamëse, ntšamo Crístbeñe bënga imošbuachecá, y ndoñe nÿe ndayá jinÿyama tmojtsobenama. <sup>8</sup> Bëngbe fsëntsemna ainaniñe bëts añémoca, y más fsëntseboše jájbanana quem cuerpiñe vida jtsebomnana, jama Bëngbe Utabnáftaca nÿetsca tescama vida jtsebomnama. <sup>9</sup> Chíyeca bënga bëts cá fsëndëntšena Bëngbe Utabná sempre oyejuayá jabemama, masque bënga quem luarentše quem cuérpoca tmojtsiyena, o ya ndoñe. <sup>10</sup> Er nÿetscanga šontsamna jashjanguana

Cristbe puestoca tribunalentše, cada ona ntšamo yomerecencá chaóyëngacñama, ntšamo tšabá o ndoñe tšabá quem luarentše chabe cuerpiñe vida yojëftsebomnëntscuana tojëftsemcá.

*Jábuayenama ntšamo Bëngbe Bëtsá inama entsanga tempcá tšabá cháftaca chamotsatsmënama*

<sup>11</sup> Chcasna, Bëngbe Utabná nyetscangbiana chë más bëtsá yomnama jtsejuabnayëse, bënga bëtscá fsëndama entsanga jáyënjanama, bënga tšabá fstsamama chamotsejuabnama. Pero Bëngbe Bëtsá ya endëtatšëmbo ntšamo bënga fstmënama, y atše sëntsobátmana tšëngaftángnaca chca tšabá chašmotsetátšëmbo, tšëngaftangbe ainanentša juabnëngaca, chë bëngbiana aifne ca cmojtsëtsëtsná juabnënga. <sup>12</sup> Bënga ndoñe cachiñe cabëngbiana queftsatoyebuambná; chca fsëntsichamo ndayá tšëngaftanga oyejuayënga bëngbiana chašmotsemnama, chca, tšëngaftanga jojuama chašmobenama, chë uámana soyënga tmojtsebiamnángbioye ndayá entsanga canye entsábeñe tmojtsonyácá y ndoñe chca chë entsabe ainaniñe tomna soyëngaca. <sup>13</sup> Er bënga mo chë ndoñe corente juabna ndbomnëngcá fstsamëse, ntšamo báseftanga mondbetsichamcá, jtsemnana Bëngbe Bëtsá jaserviama; y bënga corente juabna bomnëngcá fstsamëse, jtsemnana tšëngaftangbe tšabiana. <sup>14</sup> Bënga chca fsëndmëna, Cristo šondábabuanyëshanayeca, y chë soye endama bënga nye cha fchaitseservénama, er bënga fsëndenojuabná y puerte tšabá fsëndëtatšëmbo, canya, Cristo, nyetscangbiana tojanóbanama; y cha nyetscangbiana tojanóbanayeca, endmëna

mo cha tojanóbana ora, nyetscanga cháftaca cuafjobancá. <sup>15</sup> Y Cristo nyetscangbiana tojanóbana, chë quem luarentse vida bomnënga ndoñe más nye cachëngbiana chamondëtsiyenama, sinó chabiana, nda chëngbiana tojanóbana y tojtanayena. <sup>16</sup> Chíyeca, bënga ya ndoñe ndocnabiana queftsatsjuabná ntšamo entšanga quem luarentse jtsejuabnayama monduamancá; masque ndegombre bënga chca Cristbiana fsëñjanjuabná, mora ya ndoñe chca chabiana queftsatsjuabná. <sup>17</sup> Chcasna, nderado nda Crísoftaca cányiñe mo canyáca tojtsemna, Bëngbe Bëtsá tojama cha mo canye tsëm entšacá chaotsemnama. Ntšamo chë Crístbioye cabá nduabuátmana ora cha yojamncá, mora ya ndoñe quenátsmëna. Morna cha jtsejuabnayana y jtsamana inye soyënga y tsëm soyënga.

<sup>18</sup> Bëngbe Bëtsá endmëna nda chca inétsama, entšanga mo tsëm entšangcá jábiamama; y cha Crísoftaca tojama bënga tempcá tšabá cháftaca chamotsatsmënama. Y cha bënga canye trabajo šonjanabanyé, bënga entšanga jábuayenama, Bëngbe Bëtsá inétsama entšanga tempcá tšabá cháftaca chamotsatsmënama, y entšanga jujabuáchama chca chamotsemnama. <sup>19</sup> O mëntšá, Cristo tojanma sóyeca Bëngbe Bëtsá yojtsama entšanga chamotsobenama tempcá tšabá cháftaca jtsatsmënama, y chca, chënga chamotsobena chëngbe bacna soyëngama perdonánënga jtsemnama, y chë soyëngama nyetsca tescama castigánënga jtsemnama ndoñe chaondëtsamnama. Y bënga šonjanabanyé chë

trabajo, entšanga jtsabuayiynayama ntšamo Bëngbe Bëtsá inama entšanga tempcá tšabá cháftaca chamotsatsmënama. <sup>20</sup> Y chca, bënga jtsemnana Cristbe cuenta oyebuambnayënga y amënga, mo cach Bëngbe Bëtsá bëngaftaca cmojtsaimpadaná. Cristbe cuenta cbaimpadá, bëtscá šmochtsentšena Bëngbe Bëtsáftaca tempcá tšabá jtsatsmënama. <sup>21</sup> Cristo ndocna bacna soye tonjanma, pero bëngbe bacna soyënga jabuajuánamna, Bëngbe Bëtsá cháftaca tojanma mo cha canye bacna soyënga amá cuaftsemncá, chca, bënga Crístoftaca cányiñe mo canyácá jtsemnëse, Bëngbe Bëtsabe bominyiñe tšábenga jtsemnana chamotsobenama.

## 6

<sup>1</sup> Chcáyeca, bënga Bëngbe Bëtsáftaca cányiñe trabájayënga quetsomñecana, cbontsaimpadana ndoñe nye bonamente chašmondóyëngacñe chë Bëngbe Bëtsá yojtsama soyënga, tšëngaftangbiana tšabe juabna jtsebomnëse. <sup>2</sup> Er Bëngbe Bëtsá chabe uabemana palabrënguiñe mëntšá tojánayana:

Chë tšabe soye jamama tšabá šonjaninyana ora,  
atše tcbonjanoyeuná;

chë ácbioye jatsbocama te, tcbonjanájabuache ca.  
Smochjinye. Mora entsemna chë mocna ora  
Bëngbe Bëtsá tšabá ibojtsinyana tšabe soye ja-  
mama; mora entsemna chë mocna ora Bëngbe  
Bëtsá yojtseboše aca jatsbocama.

<sup>3</sup> Bënga ndocna bacna soye queftsátama,  
ndayá chaoma entšanga chë tšabe noticiënga  
chamotsábotema, chca, ndocná podesca  
chaondëtsóyebuambnama bëngbe trabajuama,

Cristbiamá. <sup>4</sup> Inyetsá, bēngna nyetsca soyēnguiñe fsēnjaniyena mo Bēngbe Bētsabe oservenēngcá; Bēngbe Bētsabeñe obatmancá puerte uantadēnga jtsemnēse, fstsufrina ora; puerte padecena soyēnguiñe bētsemna causa, ndayá jamama ndoñe fsēntsetatsēmbo ora; y ainaniñe puerte ngmēnaca fstsemna ora; <sup>5</sup> ínýenga šojtsatsetšená ora; cárceloje šojautame ora; entšanga bēngbe contra tmojtsebouénana ora; jabuache trabájayiñe puerte uamēntšnayēnga fstsemna ora; bayté ntsamanacá fstsemna ora; y jasama tondaye fsēntsebmna ora. <sup>6</sup> Bēngnaca fsēntsinýanýná Bēngbe Bētsabe oservēnēnga fstsmēnama, puerte tšabe vídaca, ndocna bacna soye ntjamcá jtšiyenēse; Bēngbe Bētsabe soyēngama corente jtsetatsēmbēse; ínýenga ntšamo šojáborlaye ora puerte uantadēnga jtsemnēse; ínýengbioye puerte bonshanánaca jtšénýayēse; Uámana Espíritu bēngbe ainaniñe jtsebomnēse; y ndegombre nyets ainánaca nyetscanga jtsababuánýeshanēse; <sup>7</sup> ntšamo Bēngbe Bētsabiamá ndegombre yomncá jtsabuayiynayēse; Bēngbe Bētsabe obenánaca ba soyēnga jtšamēse; y mo chē soldadēngcá, uayayēnga jáyējanama y chēngbiamá jenéuyanama soyēnga jtsebomnana, chē Satanásbioye jayējanama y chabiamá jenéuyanama ndayá Bēngbe Bētsá šojatsatacá jtsebomnēse; y Bēngbe Bētsá chca tojama, er cha tojama bēnga chabe bominyiñe tšábēnga chamotsemnama. <sup>8</sup> Bēnga fsēntsinýanýná Bēngbe Bētsabe oservēnēnga fstsmēnama, ínýenga bēngbiamá tšabe soyēnga tmojtsejuabná ora

y bēnga nduámanēnga jtsemnama chēnga tmojtsama ora; ínŷenga tšabe soyēnga bēngbiana tmojtsoyebuambná ora y chēnga bēngbiana podesca tmojtsichamo ora; bēnga áingñayēnga fstsmēna ca báseftanga tmojtsejuabná ora, pero bēnga ntšamo ndegombre yomncá jtsóyebuambnayēse. <sup>9</sup> Mo nduamanēngcá bēnga entšángbeñe jtsēnyāyana, pero banga corente tšabá bēnga šondéubuatma; bēngbiana sempre resjo endmēna jóbanama, pero šmochjinŷe, bēnga sempre vídaca chentšana jatóbocañana; bēnga juatsjínŷama jobenayama, Bēngbe Bētsábeyeca castigánēnga fchandbétsemna, pero nŷa jóbanana ndoñe. <sup>10</sup> Masque ngménēnga fstsemna, ainaniñe sempre oyejuayēnga fchandbétsomñe; masque ndbomnjēmēngcá, pero fchandbétsama banga Bēngbe Bētsábiocana bētscá chamotsebomnama; quem luarentša soyēnga tondaye queftsátsbomna, pero Bēngbe Bētsabe entšanga quetsomñecana, ndegombre lempe fsēndētsóbomñe.

<sup>11</sup> Tšēngaftangbiana, Corintoca entšanga, lempe fsēnjayana, tondaye ntjaitēmcá; nŷets ainánaca, corente cbondábabuanŷeshana. <sup>12</sup> Bēnga puerte cbondábabuanŷeshana, pero tšēngaftangna ndoñe yapa quešcátababuanŷeshana. <sup>13</sup> Atše cbontsaimpadana, mo canŷe taitá chabe básenga cuaftsaimpadancá, atše puerte chašmotsebobonshánama, er atše corente cbondábabuanŷeshana.

*Bēnga mondmēna mo Bēngbe Bētsabe bēts yebncá*

<sup>14</sup> Crístbeñe ndošbuáchiyēngaftaca ndoñe šmatjenutaná ndayánaca jamama, er chca, chēngaftaca šmatjábocana mo chē jaárama

uacnata ndoñe cachënchechata tbontsemncá. Ndegombre, chë tšabe soyënga amá y Bëngbe Bëtsabe bominjïñe tšabia mëná, nÿa tondayama cachcá ntsejuabnayana, chë Bëngbe Bëtsá tojamandacá ndoñe tontsamacá y bacna soyënga amacá. Ndegombre, chë entsangbe juabna binÿnayáftaca vida bomná, nÿa tondaye ntsebomnana chë nÿe mo ibetiñcá juabnayáftaca.

<sup>15</sup> Cristo y Satanás, Belial cánaca uabainá, ndocna te tondayama cachcá ntsejuabnayana; y cachcá copasana, Crístbeñe ošbuachiyá y chábeñe ndošbuachiyáftaca.

<sup>16</sup> Ndocna soyiñe cachcá ntsemnana, Bëngbe Bëtsabe bëts yebna, chë nÿe canÿe Bëngbe Bëtsábioye jadórama yebna, y chë entsangbe pormana soyënga, mo diosënga cuaftsemncá jtsadoránana soyënga; chca endmëna, er bënga, nÿetscanga cánÿiñe Jesucrístbeñe ošbuachiyëngcá, mondmëna mo Bëngbe Bëtsá Ainabe bëts yebncá, ntšamo Bëngbe Bëtsá chabe uabemana palabrënguiñe chabe entsangbiana tojanayancá:

Chëngbeñe vida chántsebomna y chëngbenache chántšana;

atše chëngbe Bëtsá chántsemna

y chëngna atšbe entsanga ca.

<sup>17</sup> Chíyeca mëntsánaca Bëngbe Utabná chabe entsanga tojanëyana:

“Chë bacna soye amëngbentsana  
šmochjësebocana, y chëngbentsana  
šmochtsojuánañe;

tondaye šmattsebana, ni šmattsama ndayá  
Bëngbe Bëtsabe entsangbiana ndoñe tšabá  
tontsemncá.



As cbochanjúbuaja,

<sup>18</sup> y chántsemna mo canye taitacá tšëngaftangbiana, y tšëngaftangna mo atšbe uaquiñënga y bembangá.

Chca sentsichamo atše, tšëngaftangbe Utabná, nyets obenana bomná ca” —chiñe enduábemana.

## 7

<sup>1</sup> Chcasna, atšbe bonshánënga, chca endmëna ntšamo Bëngbe Bëtsá šojašebuachenacá. Chíyeca šontsamna, Bëngbe Bëtsabe delante nyetsca soyënguñe tšábenga jtsemnana, bëngbe cuerpama o espíritbiana bacna soye ndoñe más ntsamcá; y Bëngbe Bëtsá nyetscangbiana más uamaná yomna ca mondëjuabnáyeca, lempe ntšamo tmojobenacá mochtsiyena mo chabe entšangcá, nyetsca soyënguñe puerte tšábenga jtsemnëse.

*Ntsamo chë Corintoca entsanga juabna tmo-jantrocá*

<sup>2</sup> Bëngbiana šmochtsenójuabnaye tšëngaftangbe ainaniñe puerte bonshanánaca. Bënga ndocnabiana bacna soye chibiatsma, ndocnabiana chibiatsma más bacna entšá chaotsemnama, y ndocnábioye chibiatsingñé.

<sup>3</sup> Atše chca ndoñe quetsátichamo, ndoñe tšabá šmonjama ca tšëngaftangbiana jayanama, er ntšamo ya tcbonjauyancá, atše tšëngaftangbiana sempre ainaniñe puerte bonshanánaca sëndbétsenojuabnaye; y chca, mo átseftaca canyiñcá šmochántsemna, masque chayóbana o cabá vida chaitsóbomñëse. <sup>4</sup> Atše puerte tšabá sëndëtatšëmbo, ntšamo tšabá yomncá šmochtsamama; y tšëngaftangbiana puerte

oyejuayá sëntsemna. Lempe ntšamo tsësufriñcá tsiyenama, atšbe ainaniñe bëts añemo sëndëtsóboñe y corente sëntsoyejuá.

<sup>5</sup> Macedonia luaroye fsënjánashjajna orscana, ndoñe luare queftsátsbomna jóchnama, sinó nyetsca soyënguiñe fsëndëpadecena: chë bëngbe buayenana soyama contra tmojtsemnëngaftaca jabuachana enatsëtsnayëse, y bëngbe ainaniñe jtsauatjëse. <sup>6</sup> Pero Bëngbe Bëtsá, chë yapa añemo ndbomnëngbioye endbetsañemuayá, tojanma bënga ainaniñe más añemo fchaitsebomnama, Tito moye tonjánashjango ora. <sup>7</sup> Y cha tonjánabo ora, bënga ndoñe más añemo quefstétsebomna nÿe cha tojánashjanguama, sinó tšëngaftanga šmojanájabuachama y ainaniñe añemo chaotsebomnama šmojanmama. Cha šonjanëyana tšëngaftanga tša šmojánboše bënga jányama ca, y šonjanacuntá ntšamo tšëngaftanga ngménaca šmojamna, atšbiana ndoñe tšabá šmonjanma causa, y ntšamo tšëngaftangbiana atšbe tšabiana puerte iuámanana; y quem chabe noticiëngaca, cabá más sëntsoyejuá.

<sup>8</sup> Er masque tšëngaftanga tša ngménaca šmojamna chë tcbonjanëbuábiana tsbuanáchama, mora ndoñe quetsatsjuabná más tšabá yojamna chca ndoñe jatëbuabiamana ca; masque tempo atše chca sënjanjuabná, er atše sëntsetatšëmbo chë tsbuanácha básefta tescama ngménënga tcmojánabiamana, <sup>9</sup> mora atše puerte oyejuayá sëntsemna, ndoñe tšëngaftanga ngménënga šmojamnama, ndayá chë šmojánbomna ngménana tojanmama tšëngaftanga chašmuenójuaboma

ndoñe tšabá šmontsamama, y chca amana chašmotsajbanama, tšëngaftangbe juabnënga jatrócase. Chca enjamna, er tšëngaftanga ngménana šmojánbomna ntšamo Bëngbe Bëtsá inabošcá; chíyeca, bënga ndocna bacna soye tšëngaftangbiamá chibiatsma. <sup>10</sup> Ntšamo Bëngbe Bëtsá tojtsebošcá ngménana bomnentsana, jóbocnana chë bacna soyënga tcojamama jenójuaboyana y juabnënga jatrócana; y juabna jatrócana entšábioye juanatsana atsbocaná chaotsemnana, y cha ndocna te ntjátsjuabnayana más tšabá yojamna ndoñe chca ntjatstrócana ca. Pero ntšamo chë nÿe quem luarama enójuabnaye entšanga mondbetsebošcá ngménana bomnentsana, ndoñe ntjóbocnana juabna jatrócana; chentšana jóbocnana nÿe nÿetsca tescama castiganá jtsemnana, mo nÿetsca tescama cuafjobancá. <sup>11</sup> Smochjinÿe ndayá tojóbocna, ntšamo Bëngbe Bëtsá inabošcá ngménana bomnentsana: tojanma chë šmojanma soyiñe puerte chašmuenójuaboma; y ntšamo jájandmanana bëtscá chašmonguanguama; tojanma tšëngaftanga chacmetonama chë bacna soye tojanmáftaca; y castigánënga jtsemnana jtsauatjámna. Chentšana, tšëngaftanga tša šmojtsanboše atše jinÿama; y šmojtsanprontana lempe jamama chca bacna soye ndoñe más chaondëtsemnana y chca tojanmábioye jacastígama. Nÿetsca chë soyënguiñe tšëngaftanga šmonjinÿanÿé chca bacna soye ndoñe šmonjanmama; y chca, mora tondaye quenátsmëna tšëngaftanga castigo jtsebomnana chacmotsamnama. <sup>12</sup> Y

chca, atše chë tsbuanácha tcbonjanëbuábiamama ora, ndoñe checbátanëbuabiamama chë puerte bacna soye tojanmábeyeca, ni chë bacna soye tojanoyëngacñábeyeca; ndayá tšëngaftanga, mo Bëngbe Bëtsabe delante cuaftsemnëngcá, chë šmojanma soyiñe bëtscá chašmuenójuaboma, y chca, cha chašminyanyé tšëngaftanga bëngbe tšabiamama puerte šmenójuabnamama. <sup>13</sup> Chíyeca bënga más añemo ainaniñe fsëntsebmoma.

Pero ntsachetsá añemo fstsbofnamama, masna puerte oyejuayënga fsëntsemna, er bënga fsënjinye Tito tša oyejuayá, er chabe ainaniñe lempe natjëmbana yojtsemna nyetsca tšëngaftangbiama. <sup>14</sup> Tito tšëngaftanga jányama cabá nda ora, atše cha sënjanianyana tšëngaftanga šmochjanóyeunaye chë atše tcbonjanëbuajama palabramama; y tšëngaftanga ndoñe chešmatsmama atše chaitsëuatjama chca tijánayanamama. Inyetsá, lempe ntšamoma tchojauyancá ndegombre endmëna; cachcá, ntšamoma bënga Títbioye fsënjaniyancá ndegombre entsemna, chë tšëngaftangbiama fstsóyejuamama. <sup>15</sup> Y mora Tito más cmontsababuányëshana, ntšamoma cha tcmojanamëndacá ndayá tšëngaftanga šmojanmamama, y ntšamoma puerte respétoca y mo uamaná cuaftsemncá chabiamama jtsejuabnayëse šmojanofjama tojtenojuabó ora. <sup>16</sup> Atše puerte oyejuayá sëntsemna, er atše sëndëtatšëmbo tšëngaftanga ntšamoma tšabá yomncá nyetsca soyënguñe šmochtsamamama.

## 8

*Chënga jañëmuayama, inyë ošbuachiyëngbioye*

*nÿets ainánaca jujabuáchama*

1 Y mora, Jesucristbeyeca catsátanga, bēnga fsēntseboše tšēngaftanga chašmotsetátšēmbo ntšamo Bēngbe Bētsá bētsá tsabe bendicionēnga tojama Macedonia luarentše ošbuachiyēngcá enefjuanēngbiama. 2 Chēnga puerte tmojasufrí, y chora chca, chēnga tmojinÿanyé becá imošbuáchema y tša imoyejuama; y masque puerte ndbomnējémēnga, chēnga nÿets ainánaca bētsá tmojanacaredadó Jerusalenentša ošbuáchiyēnga ndbomnējémēngbiama. 3 Atše sēndētatsēmbo y sēntsobena jayanama chēnga ndegombre tmojatšatá ntšamo tmojobenacá, y ntsachetšá imobenentšana cabá más, chēnga chca imobóseyeca. 4 Tša šonjánaimpadana chēngbioye jálesenciamama ndayánaca jamama, Jerusalenoca ošbuachiyēngbioye jujabuáchama. 5 Bēnga ftsjanobatmanama cabá más chēnga tmonjanma; natsana, chēnga Bēngbe Utabná tmojanianama lempe ntšamo cha tojtseboščá chēnga jamama imojtseboše ca, y chentšana bēngaftácnaca cachcá tmonjanma; y lempe enjamna ntšamo Bēngbe Bētsá inaboščá. 6 Ndayá Macedonioca ošbuachiyēnga tmojanmama bēnga añemo fsēnjanóyēngacñeyeca, bēnga Tito fsēnjaimpadá chē tsabe trabajo chaopochocama, chē tšēngaftangbeñe crocénana játbana, Jerusalenoca ošbuáchiyēnga jujabuáchama, ndayá cha jamama tojanbojatšecá. 7 Y morna, ntšamo tšēngaftanga nÿetsca soyēnguiñe tša šmomncá — puerte ošbuáchiyēnga, becá obenēnga Bēngbe Bētsabe soyēngama jóyebuambayama, puerte

osertánënga Bëngbe Bëtsabe soyëngama, corente juabnaye nga bëtsá jamama Cristo jasérviamama y bëngbioye corente ababuányëshanënga —cachcá, mórnaca bëtsá smochjama quem trabajuiñe chë ošbuáchiyënga ndbomnjëmëngbiama, tšëngaftangbe bonshánana jtsinýanýnaye.

<sup>8</sup> Chca ndoñe quechatëtsëtsná mo canye mandcá; atse sëntseboše ndayá nye tšëngaftanga jáuyanana ntšamo ínýenga bëtsá tmojatrabajá chë ndbomnjëmëngbiama, tšëngaftángnaca cachcá chašmotsamama; y chca, chašminýanýema chë tšëngaftanga šmobomna bonshánana ndegombre bëtsemnama. <sup>9</sup> Er tšëngaftanga šmondëtatšëmbo ntšamo Bëngbe Utabná Jesucristo puerte tšabe soyënga bëngbiama tojamama, bëngbioye puerte jtsababuányëshanëse. Celoca, cha cabá quem luaroye ndabo ora, cha bëtsá inabomna; pero tšëngaftanga ababuányëshanayeca, mo canye puerte nduamanacá tojanóbema. Y mora, Cristo mo canye nduamanacá tojóbmeyeca, Bëngbe Bëtsá puerte tšabe soyënga šojatšatá.

<sup>10</sup> Tšëngaftangbe tšabiama mëntšá cbaruayená, ntšamo quem soyiñe smochjamama. Chë inye uata tšëngaftanga šmonjanbojatsé, ndoñe nye chë ndbomnjëmëngbiama jacjayama, ndayá chca jamama jtsebošámnaca. <sup>11</sup> Morna, chë ndbomnjëmëngbiama trabajo smochjapochóca; chca, ntšamo tšëngaftanga becá šmonjanprontana y jujabuáchama tša šmonjanbošcá, mórnaca cachcá chašmomama chë trabajo japochócama, ntšamo šmojobenacá jacjayëse. <sup>12</sup> Er canye entšá, jatštayama ndegombre tojtsebošëse, ndayá cha

tojatštacá Běngbe Bětsábioye oyejuayá jabemana, ntšamo cha tojtsobencá, y ndoñe ntšamo cha ndoñe tontsobencá.

<sup>13</sup> Ndoñe quenátsmēna, tšěngaftanga puerte ujabótēnga chašmoquedá, ínŷengbioye atšatnaye causa, chēnga ndoñe yapa ujabótēnga chamondětsemnama.

<sup>14</sup> Atše sěntsichamo ndayá nŷetscanga chamotsenajabuachana, chca tojtsějaboto ora ca. Mora, chē bětscá šmobomnentsana šmontsobena chēnga jujabuáchana, ndayá tojtsabuáshebencá jatšatayēse; y inŷe orna, chēnga entsamna tšěngaftanga jujabuáchana chē cmojtsabuáshebena soyēngaca. Chca, nŷetscanga jóyēngacñana ndayá tojtsějaboto ora. <sup>15</sup> Ntšamo Běngbe Bětsabe uabemana palabrenguiñe endayancá: Chē tša bomnábioye ndoñe chebatanójama; y chē nŷe batšá bomnábioye, ndoñe quebēnjatanbuášhena ca.

### *Tito y chabe enutēnga*

<sup>16</sup> Běngbe Bětsá šcuatschuá, tšěngaftanga jtsanŷenama Tito ainaniñe juabnēnga chaotsebomnama cha tojanmama, cachcá ntšamo bēnga fsēndbomncá. <sup>17</sup> Er tšěngaftangbioye chaotsama bēnga fsēnjanimpadá ora, cha oyejuayá aiñe ca tonjánayana choye jama; y chabiamana puerte enduámana tšěngaftangbe tšabiana; chíyeca mora echanjá tšěngaftanga jányama, chca jamama cachá yobóseyeca.

<sup>18</sup> Títoftaca, canŷa Jesucrístbeyeca bēngbe catšata fsěntsichamná; chabiamana puerte tšabá ošbuachiyēngcá enefjuanēngbenache

mondoyebuambná, chabe trabajuama chë tšabe noticiënga abuyayayama. <sup>19</sup> Y ndoñe nÿe chë soye, sinó quem luarentse ošbuachiyëngcá enefjuanënga cha tmonjuábuayana bëngaftaca Jerusalenoye jama, y jujabuáchama chë ndbomnjémëngbiama trabajuiñe; chë trabajo endmëna bonshánana jinÿanÿiyama; chca fsëntsama, Bëngbe Utabná jtsatschuanayama y jinÿanÿiyama bënga chca jujabuáchama tša fstsbošama. <sup>20</sup> Títoftaca cha fsëntsichamná, chca, ndocná chaondëtsichamo bënga ndoñe tšabá tifjama ca, ntšamo játbanama cmojtsamniñe, chë becá juabónana játbanama, ndbomnjémënga jujabuáchama; <sup>21</sup> er bënga fsëndama lempe ntšamo fstsobencá, ndoñe nÿe ntšamo Bëngbe Bëtsabe bominiñe tšabá yomncá jamama, ndayá ntšamo entsangbe bominiñe tšabá yomncánaca.

<sup>22</sup> Chátaftaca inÿa Jesucrístbeyeca bëngbe catšátnaca fsëntsichamná; cha bënga ba soyiñe šonjinÿanÿé cha yojtseboše bëtscá jamama, Cristo jaserviama, y mora más, er cha puerta bëtscá entsejuabná tšëngaftanga puerta tšabá šmochjamama. <sup>23</sup> Y Titbiamna, cha quem trabajuiñe atšbe enutá endmëna, y atšcá tšëngaftangbiama endëtrabája; y chë inÿata Jesucrístbeyeca bëngbe catšatatbiamna, chata bontsemna quemuentša ošbuachiyëngcá enefjuanëngbe ichmónata, chëngbiama chabóyebuambama; y chë bontsama sóyecna, chata Crístbioye corente jtsatschuanayana. <sup>24</sup> Chíyeca, chëngbioca ošbuachiyëngcá enefjuanënga chca chamotsetatšëmbuama, chë ichmona



bojabásengbioye šmochjínjānyīye tšēngaftanga ndegombre chēnga šmojtsababuánjēshanama, y bēnga razón fstsebonnama tšēngaftangbiana oyejuayēnga jtsemnama.

## 9

### *Chē injē ošbuáchiyēngbiana crocénana jātbanama*

<sup>1</sup> Chē Jerusalenoca Bēngbe Bētsabe entšangbiana crocénana jātbanamna ndoñe quenátsiyta tšēngaftangbioye jatēbuabiamnayama, <sup>2</sup> er atše ndegombre sēntsetatšēmo tšēngaftanga tša šmojtseboše chca jujabuáchama. Macedonioca entšanga puerte oyejuayá sempre sēndbētsētsēsnaye, Acaya luaroquēnga chē injē uatscana quem trabajuiñe jujabuáchama šmoprontánama; y chē jujabuáchama tšēngaftangbe bētscá juabnēnga tmojama banga quem luarentšēnga bētscá añemo chamotsebonnama, chēngnaca chē trabajo jamama. <sup>3</sup> Pero Jesucrístbeyeca quem catšátanga sēntsichamná, ntšamo bēnga oyejuayēnga tifjayancá tšēngaftanga chašmotsamama, chē tšēngaftanga quem trabajuiñe bētscá šmochjama ca; chca, ntšamo tijanayancá ndoñe nje bonamente chaondētsemnama, y ntšamo sēnjanayancá tšēngaftanga chašmotseprontánama; <sup>4</sup> er nderado báseftanga Macedonioquēnga átseftaca tmojá y choca ndēprontánēnga tcmojánjēna chē ndbomnjémēngbiana ujabuáchenanaca, chē soye nanjama bēnga fchaitšēuatjama, er ba soye fsēnjayana bēnga ndegombre fstšētátšēmo tšēngaftanga prontánēnga šmochtsemna

ca; y ndegombre, tšëngaftangbiana cabá más ouatjácá nántsemna. <sup>5</sup> Chíyeca, tšabá šonjuínŷnana Jesucrístbeyeca quem catšátanga jáimpadana chënga atšbe natsana chamotsama tšëngaftanga jányama, y chacmëjabuachama chë juabónana játbanama, ndayá tšëngaftanga tempo šmonjanašebuachenacá. Chca, atše choca chajáshjango ora, tšëngaftangbe juabónana chaotseprontana. Chca, tšëngaftanga šmochanjínŷanŷiye ndbomnějémëngbiana šmojacjá, chca jamama tša šmobóseyeca, y ndoñe nŷe batšatema jatšatayama y tšëngaftangbiana bëtscá jobuájuaama šmojtseboše.

<sup>6</sup> Quemuiñe šmochtsenójuabnaye: Nda nŷe batšá tojajé, cach batšá chentšana josháchiñana; y nda bëtscá tojajé, cach bëtscá chentšana josháchiñana.

<sup>7</sup> Cada ona bontsemna jajájuana ntšamo chabe ainaniñe tojajuabocá; ndoñe ngménaca o nŷe ínŷenga chca jamama tmojtsemándayeca. Chca chaotsemna, er nda oyejuayá tojajajóbioye, Bëngbe Bëtsá jtsebobonshánana. <sup>8</sup> Bëngbe Bëtsá endobena jamana chábentšana nŷetsca tšabe bendicionënga y bëtscá soyënga tšëngaftanga chašmotsebomnana; chca, ntšamo nŷetsca soyënguiñe cmojtsëjabotcá sempre chašmotsóbomñana, y cabá más bëtscá chašmotsebomnana, nŷetsca tšabe obrënguiñe ínŷenga chašmëjabuachama. <sup>9</sup> Bëngbe Bëtsabe uabemana palabrenguiñe, mëntsá endayana chë bëtscá tojacjabiana:

Cha nŷets ainánaca ndbomnějémënga bëtscá jatšatayana;

y chë tšabe soyënga ntšamo cha tojtsamcá nŷets

tempo jëftsemnana.

<sup>10</sup> Bëngbe Bëtsá, nda endbama chaotsemna jénaye jájema y sananga jasama, cmochanjátšataye lempe ntšamo cmojtsëjabotcá, y echanjama, tšëngaftanga cabá más tšabe soyënga chašmotsamama.

<sup>11</sup> Bëngbe Bëtsá echanjama tšëngaftanga nyetsca tšabe soyënga chašmotsebofnama, chca, tšëngaftanga nyets ainánaca puerte ínÿengbioye chašmatšatama, y bëngbeyeca, chë mochjóyëngacñënga Bëngbe Bëtsá chamotsatschuanama; <sup>12</sup> er chë ujabuáchenana Bëngbe Bëtsabe entsanga tcojatsatá ora, ndoñe nÿe ndayá tojtsëjabotcá jatsatayana, ndayá chënga Bëngbe Bëtsá chamotsatschuanámnaca jamana.

<sup>13</sup> Chënga Bëngbe Bëtsá mochántatschuanaye, er chë ujabuáchenanaca chëngbioye jinÿanÿiyana, ntšamo Cristbe tšabe noticiënguiñe iuayancá tšëngaftanga šmoberdecénama, y ntšamo tšëngaftanga tšabá jamëse, nyets ainánaca bëtscá soyënga chënga y nyetscanga šmojátšatama. <sup>14</sup> Y chënga

tša mochántseboše tšëngaftanga jányama y tšëngaftangbiana Bëngbe Bëtsá mochántseimpadana, er cha bëtscá tšabe soyënga tšëngaftangbiana tojama. <sup>15</sup> ¡Bëngbe Bëtsá šcuatschuá ndayá cha šojátšatama, canÿe puerte uámana soye, ndocná jobenayana tšabá jayanama ntšamo chë soye bëtsemnana!

## 10

*Ntšamo Pablo tojánayana ínÿenga chabe contra imojtsichamo ora*

<sup>1</sup> Y mora, atše Pablo, cbochanjáimpada, tšëngaftangbioye puerte bonshanánaca jtsénÿayëse, y tšëngaftangbiama tšabá jamama jtseprontánëse, ntšamo cach Cristo endbetsamcá. Báseftanga tšëngaftangbioquënga imojtsichamo atše puerte nduamaná tsnenóbema atše tšëngaftangaftaca stsemna ora, pero corente añemo bomná tsnenóbema jabuache soyënga jayanama tšëngaftangbentsana bënoca stsemna ora ca.

<sup>2</sup> Tšëngaftanga cbontsaimpadana, tšëngaftanga jányama chajá ora, atše ndoñe chašondëtsemna puerte añemo bomná jtsemnana, jabuache soyënga tšëngaftanga jáuyanama, ndoñe ntšamo atše puerte tšabá sëntsetatšëmbcá ndayá báseftangaftaca jamama šojtsotocana, chë ndëmuanÿenga imojtsejuabná, nÿe bënga tšabá jtsomñama juabnëngaca bënga ftsiyena ca.

<sup>3</sup> Ndegombre bënga quem luarentše fsëndoyena, pero ndoñe queftsátspelia Cristbiama, ntšamo quem luarentša entsanga monduamancá;

<sup>4</sup> er chë ndaye sóyeca bënga Cristbe soyëngama fsëndépelia, ndoñe quenátsmëna mo chë ndaye sóyeca chë nÿe quem luarama enójuabnaye entsanga japéliama monduamancá, ntšamo nÿe chënga tšabá jtsomñama juabnënga yomncá. Inÿetšá, chë ndaye soyëngaca bënga fsëndépelia, Bëngbe Bëtsá jtsinÿanana puerte obenana bomna soyënga yomna ca; y endmëna chë Satanás tojtsemánda soyënga jayënjanama, puerte jabuache soyënga jayënjanama. Mo nda canÿe uayayábioye jtsepochochocancá, chë Bëngbe Bëtsabe osertánana ndoñe yonduámana ca jinÿanÿiyama

soyënga ichámëngbiana, <sup>5</sup> y Bëngbe Bëtsabe osertánana jtsabotema juabnënga bomnëngbiana, bënga fsëndama ntšamo chënga tmojtsichamcá tondaye chaondëtsámanama. Y chë japéliama fsëndbomna soyëngaca, bënga fsëndbétsama chca juabnayana chamotsajbanama, y chamotsobena ntšamo Cristo yomandacá jtsamana. <sup>6</sup> Bënga fsëntseprontana chë Cristbiana nduauenanënga jácastigama, lempe ntšamo Cristo cmojtsamëndacá tšëngaftanga chašmojtsama ora.

<sup>7</sup> Tšëngaftanga ndayánaca jtsonyayana nýe ntšamo tbojtsabinëncá. Nderado nda becacá tojtsejuabná Cristbia yomna ca, cha bontsemna jtsejuabnayana bëngnaca Crístbenga ftsmënama, ntšamo cha yomncá. <sup>8</sup> Er atše masque tša sëndbétsoyebuambnaye chë Bëngbe Útabná šojatšatá mandama, chë ndáyeca bënga jamama tšëngaftanga puerte chašmotsošbuáchema y ainaniñe bëts añemo chašmotsebomnama, y ndoñe tšëngaftanga ntjapochócama, chama atše ndoñe quetsátëuatja. <sup>9</sup> Atše ndoñe quetsátsoše tšëngaftanga chacmotsinýana, tšëngaftanga jaútatjayama atše stseboše ca, ndayá atšbe tsbuanáchangañe tijuábemama. <sup>10</sup> Er báseftanga mëntšá atšbiana imojtsichamo: “Chabe tsbuanáchangañe cha šontsamënda bëtscá soyënga jamama, y tša obenacá cha jtsóyebuambnayana; pero cha bëngaftaca tojtsemna ora, cha jtsóyebuambnayana mo canýe ndocna obenana ndbomnacá, y ntšamo tojtsichamcá tondaye ntsámanana ca.” <sup>11</sup> Chca entsanga entsamna jtsetatšëmbuana, ntšamo bënga ftsichamcá,

tsbuanachangá juíchmuase, tšëngaftangaftaca cabá ndoñe fsëntsemna ora, tšëngaftangaftaca fchaitsemna órnaca, bënga chca fchjamama.

<sup>12</sup> Ndegombre bënga ndoñe tša añemo queftsátsbomna jayanama nÿetsá uámanënga fstsmëna ca, mo chë cachënga jtsenábotamnayana uamanëngcá. Chënga jtsejuabnayana y jtsichámuana tšábenga imomna ca, nÿe ntšamo cachëngbeñe ínÿenga imomnama jtsonÿayëse; y chca tmojtsama ora, chënga juabna ndbomnënga jtsemnana. <sup>13</sup> Bënga ndoñe yapa quifchatóyebuambaye cabëngbiana, chca, tša tšábenga bënga imomna ca jtsenábotamnayama; fchanjóyebuambaye ndayá chë bënga tifjama tšabe trabajuama, ndayá Bëngbe Bëtsá šojabanÿecá, y chíñnaca entsemna ntšamo tšëngaftangbeñe Corintoca tifjamcá. <sup>14</sup> Chíyeca, bënga ndoñe queftsatoyebuambná chë bënga ndoñe derecho fsëntsebomnama, ntšamo ndegombre nántsemna bënga tempo tšëngaftangaftaca ndoñe mafsënjamnëse; er bënga chë natsanënga fsënjamna tšëngaftangbioye jama, Cristbiana tšabe noticiënga jábuayenama. <sup>15</sup> Y ndoñe quifchatóyebuambaye tša tšabá bëngbe trabajo yomna ca, chë ndayama ndoñe šontsamna chca jatichámuana, chë trabajo ndoñe bëngbe soye, sinó ínÿengbe soye yómnayeca. Chamna, bënga fsëntsobátmana tšëngaftanga Crístbeñe más chašmotsošbuáchema, y chca chaojtsemna ora, bënga fchayobená ba luariñe entšanga jábuayenana, ntšamo tšëngaftangbeñe fsëntsamcá. <sup>16</sup> Chca, fsëntsobátmana bënga jobenayama tšabe

noticiëngama jábuayenama, chë tšëngaftangbentsana más chcoye imoyena entšángbioye; chca, bënga ndoñe yapa quifchatóyebuambaye ínÿengbe trabajuama, Cristbe soyënga jábuayenama, mo chë soye bëngbe trabajo cuafjatsmëncá.

<sup>17</sup> Ntšamo Bëngbe Bëtsabe uabemana palabrënguiñe endayancá: “Nda tojtseboše jayanama cha canÿe uámana entšá yomna ca, más tšabá cha cháuyana Bëngbe Utabná puerta uamaná endmëna ca.” <sup>18</sup> Er Bëngbe Bëtsá jayanana canÿe entšá ndegombre tšabá tojama ca, ndoñe nÿe cachá tojtsenábotamnabiamana, ndayá Bëngbe Bëtsá chca ndegombre tojama ca Bëngbe Bëtsá tojtsejuabnabiamana.

## 11

### *Pablo y chë ndoñe ndegombre ichmónënga*

<sup>1</sup> Malaye atše šmëntjëuánta, atše básefta soyënga mo canÿe opá tojtsoyebuambnacá stsihámëntscuana, cach atše stsenabotamná ora. Masque ntšámnaca šmochtsëuánta. <sup>2</sup> Bëngbe Bëtsábeyeca atše tša cbondábabuanÿeshana y cbondánÿena, tšëngaftanga nÿe cha chašmotsëstonama y ndoñe ínÿengbioye. Er atše Cristo sënjašbuachená tšëngaftanga sempre cha šmochtsëstonama, y sëntseboše, cha quem luaroye yochjésabo ora, chábioye tšëngaftanga júshejanguana, mo nÿe chábioye sempre ustonëngcá, ntšamo canÿe taitá chabe bembe ndocna boyabása nduabuatomá nÿe canÿe boyabásaftaca chaóbuamama jushjanguancá. <sup>3</sup> Mëtscuaye Evábioye tbojaningñé, y cha tbojanínÿnana

puerte osertanabe soyënga cuaftsatsëtsnacá, pero ndegombre ndoñe chca yonjamna. Atše sentsauatja nderado cachcá inyënga tsëngaftangafatac muanjama y tsëngaftangbe juabna chašmotrocá, y chca, tsëngaftanga chašmotsajbaná sempre jtsejuabnayana nyë Cristo nyetsca soyënguiñe jtseservénama. <sup>4</sup> Atše chama

sentsauatja, er ndánaca jashjanguana y Jesusbiana tojtsabuayiyná, mo cha inyë entsá cuaftsemncá, ndoñe ntšamo bënga Jesusbiana fsëndabuayiynacá, y tojtsama tsëngaftanga chašmobená canyë espíritu jtsebomnana, pero ndoñe ntšamo chë Bëngbe Bëtsá tojama tsëngaftangbe ainaniñe cháuamashënguama espiritcá, chë Uámana Espíritu, tsëngaftanga tsabá cha jtsëuántana. Y atše sentsauatja, tsëngaftangbe ainaniñe inyë buayenana chašmóyëngacñama ndánaca tojtsamama, ndoñe cachcá chë tsabe noticiënga ntšamo ya bëngbentsana šmonjouencá, y chora tsëngaftanga chábioye beca tsabá jtsëuántana.

<sup>5</sup> Pero atše sëntsejuabná tondayiñe más batšá uamaná tsmëna ca, chë Jesucristbe puerte uámana ichmónënga imomna ca juabnayëngbiana.

<sup>6</sup> Atše ndoñe sënjuatsjinyë ntšamo corente tsabá entsángaftaca jóyebuambayama; pero atše puerte tsabá sëndétatsëmbo ntšamo stsichámuama. Bënga puerte tsabá nyetsca soyënguiñe tsëngaftanga tcbonjanýanýé, ndegombre chca osertánana ftsbomnana.

<sup>7</sup> ¿O atše ndoñe tsabá sënjama, tsabe noticiënga cbonjanabuayiyná ora, tsëngaftangbentsana atšbiana tondaye ntjotjañcá, nduamanacá jenóbemëse; chca, tsëngaftanga puerte



uámanënga chašmotsemnana Bëngbe Bëtsá chaomama? <sup>8</sup> Mo ínÿenache ošbuachiyëngcá enefjuanënga crocénana cuafjabaquëcá, crocénana sënjanóyëngacñe chë ošbuachiyëngbentsana, tšëngaftanga jujabuáchama jobenayama. <sup>9</sup> Y tšëngaftangaftaca sënjamna ora y ndayánaca šojanájaboto ora, atše ndoñe checbátantjañe atšbe opresidama, chca, tšëngaftangbiana totcá ndoñe chaondëtsemnana; er chë Jesucristbeyeca catšátanga Macedoniocana tmonjánashjajnënga, šmonjanatšetá ntšamo šojanbuashbencá. Chca, atše sënjanma, atšbe causa tšëngaftangbiana totcá ndoñe chaondëtsemnana; y sempre chca chántsama. <sup>10</sup> Serto, Cristbe ndegombre soyënga atšbe ainaniñe sëntsebomna; chíyeca, atše corente sëntsetatšëmbo ndocná Acaya luarentše yochjama atše chayajbaná puerte oyejuayá jtsóyebuambnayama, chë tšabe noticiënga stsabuayiyná ora; y chca chanjama atšbe opresidama chašmoyema ínÿënga ntsamncá. <sup>11</sup> ¿Y ndáyeca chca stsama? ¿Yojtsemna ndoñe cbondábabuanÿeshana causa? Ndoñe. Bëngbe Bëtsá endëtatsëmbo tša cbondábabuanÿeshanama.

<sup>12</sup> Pero atše sempre chántsama ntšamo sëndamcá, chca, chë ínÿënga, chë Jesucristbe puerte uámana ichmónënga imomna ca juabnayënga ndoñe chamondëtsebomna ndáyeca jatenábotamnayama, ntšamo bënga fstsamcá chënga imojtsetrabája ca. <sup>13</sup> Er chënga ndoñe quemátsmëna Jesucristbe ndegombre ichmónënga, mondmëna chë ínÿënga jáingñama imotrabájanga, y mondama entšanga chaotsinÿanama chënga mo Jesucristbe

ndegombre ichmónënga cuaftsemncá. <sup>14</sup> Y chama ndoñe šmatjenjnaná, er cach Satanásnaca endbétsama mo canye buashinÿinÿana angelcá jtsinÿnama; <sup>15</sup> chíyeca, ndoñe muatjenjnaná, chabe oservenëgnaca tmojtsamama mo tšabe entsangcá jtsinÿnama. Pero chënga mochanjopochóca, ntšamo tmojtsomerecencá, ndayá tmojamama.

*Ntšamo Pablo tojansufrí, Cristbe ichmoná bétsemna causa*

<sup>16</sup> Cachiñe cbochtëtéyana: ndocná chaondëtsejuabná atše opá stsemna ca, cach atše stsenabotamná ora; pero chca šmojtsejuabnase, mo canye opabioycá šmochtsëuánta, chca, átšnaca jtsenábotamnayama jobenayama. <sup>17</sup> Chca jayanëse, ndoñe quenátsmëna ntšamo Bëngbe Utabná endbetsamcá, ndayá canye opá inetsamcá; atše tšabá jtsetatšëmbëse ndegombre stsebomna ndáyeca jobenayama jtsenábotamnayana. <sup>18</sup> Banga mondmëna, cachënga jtsenábotamnayana ndayá quem luarentše chënga tmojamama, as átšnaca chantsenábotamnaye. <sup>19</sup> Tšëngaftanga chë tša osertánënga, oyejuayënga opëngbioye jtsëuantánana. <sup>20</sup> Atše sëndëtatšëmbo tšëngaftanga chë opëngbioye šmnetsëuantánama, er tšëngaftanga šmondbétsëuantana chë nyets tempo tšëngaftanga mo chëngbe oservenëngcá tcmojtsamëndayënga, o chë tšëngaftanga bëtscá tcmojtsabacanga, o tcmojtsaíngñanga, o chë uámanënga tmojtsenobiamnanga tšëngaftanga mo nduamanëngcá jtsamëndayama, o chë tcmojtsajuebjantšëtayënga.

<sup>21</sup> Atše chca sentsichamo masque sentsëuatja chca jayanama. Bënga fsënjamna corente obenana ndbomnënga, ntšamo tšëngaftanga bëngbiana šmojayancá, tšëngaftangaftaca chca jamama.

Inyënga, chë tšëngaftangbeñe imotrabájanga, ndayama jtsenábotamnayama tmojtsebomnëse, puerte uámana ichmónënga imomna ca jtsichámëse, átšnaca añemo sëntsebomna chama jtsenábotamnayama; chca stjayana ora, mo canye opá tojtsoyebuambnacá sëntsoyebuambná.

<sup>22</sup> Chënga jtsenábotamnayana hebreunga imomnama. Atšnaca hebreo sëndmëna. Chënga jtsenábotamnayana Israeloquënga imomnama. Atšnaca Israelocá sëndmëna. Chënga jtsenábotamnayana Abrahámbentšana entšanga imomnama. Atšnaca Abrahámbentšana entšá sëndmëna. <sup>23</sup> Chënga jtsichámuana Cristo imoservenena ca. Atše chëngbiana cabá más tšabe oservená sëndmëna. Chca stjayana ora, mo canye opá tojtsoyebuambnacá sëntsoyebuambná. Atše chëngbiana más tijatrabajá, más šmojutame, más šmojatsetšená y ba soye atšbiana resjo endmëna jóbanama. <sup>24</sup> Shachna soye judiënga šmonjantsetšená chë unga bnëtsana y esconëfta soye jasachënjëse, ntšamo chënga jacastigana monduamancá. <sup>25</sup> Unga soye niñëbéngaca šmonjanëtsjanganja, y ndëtsbéngaca canye šmonjanatëchënganja. Unga soye chë atše sënjánenjaquena barco tontsanenatjëmbe, y chca ora, canye šonjanotocá, chë mar béjayoca tsachocana bënoca canye ibeta jëftsebobínynana y canye te jëftsejétanana. <sup>26</sup> Atše becá sënjánana, y chca atšbiana resjo enjamna bëts fshajayënguiñe

y uacucuatsënga chašmuebiatbëbama; resjo cach atšbe entšangbentše, judiënga y ndoñe judiëngbentše; resjo bëts pueblënguentše, entšanga ndoyenentše y mar bëjayoca. Atšbiámnaca resjo enjamna chë Jesucristbeyeca atšbiama catšátanga imomna ca jtsichámuana, pero ndegombre chca ndoñe mondmënëngbeñe. <sup>27</sup> Atše bëts cá tijatrabajá empás uamëntšnaya jóquédantscuana; ba soye tijachnëngo ibeta ntsamanacá y ba soye tijachnëngo shëntseca y uajuendayá; ba soye ndayá jasama ntsebmncá; tijasufri sësname y tondaye entšayama.

<sup>28</sup> Quem soyëngama y inye ndoñe chiyátayana soyëngama más, atše cada te natjëmbana ainánaca ndoñe queschbatsmëna, er ndoñe quetsátstatsëmbo ntšamo nyetsca ošbuachiyëngcá enefjuanënga imojtsiyenana. <sup>29</sup> Ndánaca tšabe soye jamama tondaye añemo tontsebmna ora, atše chabiana šochandbóngmia, mo átšnaca cach tondaye añémoca cuabndëtsemncá. Nderado ínÿenga tmojama ndánaca bacna soyiñe chaótsatšama, atše ndegombre puerte ngménaca chandbëtseufrina. <sup>30</sup> Nderado nÿa tojátsiyta atše ndayama jatenábotamnayama, as chë atše tondaye obenana ndbomná tsmënama ínÿanÿnaye soyëngama chtsenábotamnaye. <sup>31</sup> Bëngbe Bëtsá y Bëngbe Utabná Jesucristbe Taitá, ndábioye nyetscanga nyetsca tescama jtsatschuanayama entsamna, cha endëtatsëmbo atše ndegombre stsichámuama chë sëntsoyebuambná soyënguiñe. <sup>32</sup> Atše Damasco bëts puebloca sënjamna ora, chë rey Aretasbe uabuáyana mandado tojanmandá

chë pueblöye amashjuaniñe soldadënga chamotsebojanÿama, atše chašmishachama chëjana stsebocana ora; <sup>33</sup> pero básefta enutënga, canÿe sbarëcuiñe šmontsanëštjango chë pueblentša shëconana tapiëšiñe canÿe atëfjnëjana, y chca atše sënjanobená chëngbe cucuatšentšana jótšbocana.

## 12

*Ndayá Pablo mo otjenayoquëcá tojáninÿe y ndayá Satanás tojanma, Pablo chaosufrima*

<sup>1</sup> Atše šontsemna más jtsenábotamnayana, masque chca tcojamentšana ndocna tšabe soye ntjóbcnana. Mora chanjóyebuambaye, chë mo otjenayoquëcá sënjinÿe Bëngbe Bëtsabe soyëngama y Bëngbe Utabná šojinÿinÿé soyëngama. <sup>2</sup> Atše canÿe entšá sënduábuatma, cha Crísoftaca cánÿiñe mo canÿacá endmëna y nda bnëtsana canta uata entsemna, Bëngbe Bëtsá tbojanánatse, chë celoca más tsbanánoye, Bëngbe Bëtsá yomnoye. Atše ndoñe quetsátstatsëmbo Bëngbe Bëtsá cha tbojanánatse chabe cuérpoca o nÿe chabe espiritiñe. ¡Nÿe Bëngbe Bëtsá chama yotátšëmbo! <sup>3-4</sup> Atše sëndétatšëmbo Bëngbe Bëtsá chë entšábiöye cloye tbojanánatsama, nÿetscanga oyejuayënga imomnoye (atše ndoñe quetsátstatsëmbo Bëngbe Bëtsá tbojanánatse chabe cuérpoca o nÿe chabe espiritiñe; nÿe Bëngbe Bëtsá chama yotátšëmbo), y chentše cha tojanuena palabrënga, ndocná bontsemna jayanama palabrënga, chë ndayama entšangbiamana ndoñe yontselesenciana jatichámuana. <sup>5</sup> Atše

chë entsá sëndmëna. Canÿe entsá ndáftaca chca tojopasabiana, tšabá nántsemna chama jtsenábotamnayana; pero cach atšbiana jtsenábotamnayana ndoñe tšabá ntsemnana, ndayá nÿe chë atše mo obenana ndbomnacá tsmënama inÿinÿnaye soyëngama chantsenábotamnaye. <sup>6</sup> Y nderado jtsenábotamnayama atše stseboše, chca ora atše ndoñe stsama mo canÿe opá tojtsoyebuambnacá, er ntšamo ndegombre yomncá atše stsichamo. Pero chca ndoñe quetsátama, chca, ndocná chaondëtsejuabná ntšamo atšbiana tbojtsinÿanama o ntšamo atšbiana cha tojouenama atše más tsmëna ca. <sup>7</sup> Chíyeca, tša uamaná tsjamna ca atše ntjátsjuabnayama, atše chë Bëngbe Bëtsá tša bëts soyënga tbojaninÿinÿé entsá bétsemnayeca, Bëngbe Bëtsá tojanma atše chaitsebomna ndáyeca puerte chaisufrima, mo canÿe bëts uchmašëfja atšbe cuerpiñe tojtsashacuancá, mo Satanasbe ichmona soy cá, atše chaisufrima chaomama. <sup>8</sup> Unga soye Bëngbe Utabná sënjaimpadá chca sufrínana chašotsebojuánama; <sup>9</sup> pero Bëngbe Utabná šonjauyana: “Nÿe atšbe bonshánana endmëna lempe ntšamo cmojtsajabotcá; nÿetscanga atšbe obenana más tšabá jinÿana, chë obenana ndbomna entsángbeñe atšbe obenana stjínÿanÿiye ora ca.” Chcasna, atše puerte oyejuayá chanjóyebuambaye chë atše mo obenana ndbomnacá tsmënama inÿinÿnaye soyëngama, Cristbe obenana átšbeñe sempre chaotsomñama. <sup>10</sup> Chíyeca, Cristo jaserviama, oyejuayá chandbétsemna atše mo obenana

ndbomnacá stsemna ora, ínÿenga šmojtsoyenguá ora, puerte padecena soyënga causa ndayá jamama ndoñe sëntsetatšëmbo ora, atše puerte chaisufrima ínÿenga tmojtsama ora y puerte tšetšena ainánaca stsemna ora; er chca soyënguiñe stsemna ora, mo canÿa obenana ndbomnacá, chora Bëngbe Bëtsá jamana atše ainaniñe bëts añemo chaitsebomnama.

*Nderado ndayá Corintoca ošbuáchiyënga muan-jamama Pablo yojánauatja*

<sup>11</sup> Atše chca chë soyëngama sëntsenabotamná ora sënjoyebuambá mo canÿe opá tojtsoyebuambnacá, pero ndegombre tšëngaftanga šmonjama atše chca chaimama. Er tšëngaftanga šmondmëna ndëmuanÿenga yojtsamna atšbiamu puerte tšabá jtsichámuana, atše chca jtsenábotamnayama ndoñe chašondëtsemnama. Ndegombre, atše tondayiñe más batšá uamaná quetsátsmëna, chë Jesucristbe puerte uámana ichmónënga imomna ca juabnayëngbiama, masque atše šontsebiona mo atše tondaye cuaftsamancá.

<sup>12</sup> Canÿa Jesucristbe ndegombre ichmoná bëtsemnama inÿinÿnaye soyënga, tšëngaftangbeñe tonjanopasá atše choca sënjamna ora. Chca, chë Bëngbe Bëtsabe obenana inÿinÿnaye soyënga y chë tšabe soyënga ntšamo chora tonjanopasacá, puerte tšabá jtsinÿanÿnayana atše canÿe ndegombre ichmoná tsmënama; y atše chca sënjanma, padecena soyënguiñe puerte uantado jtsemnëse. <sup>13</sup> ¿Ndayá tšëngaftanga ndoñe cachcá šmonjanóyëngacñe chë inÿe luarenache ošbuachiyëngcá enefjuanëngbiama? Canÿe soye aíñe, er

tšëngaftangbioye tondaye ntjotjañcá, atše ndoñe chiyatslesenciá tšëngaftanga atšbe opresidama chašmuájabuachama, ntšamo inye ošbuáchiyënga aíñe sënjalesenciácá. Smochtseperdóna chca bacna soye tšëngaftangbiamama tijamama.

<sup>14</sup> Atše ya sëntseprontana, móracna unga soyama jama tšëngaftanga jányama, y mora atše cach ndoñe quebochataimpáda atšbe opresidama chašmuatájabuachama. Atše ndoñe quetsátsboše chë tšëngaftanga šmobomna soye jatsbomnana, ndayá puerte sëntseboše tšëngaftanga Cristo sempre chašmotseservénama. Atše chca jamama sëntseboše, er atše tšëngaftangbiamama mo canye taitacá, Crístbeñe šmontsanošbuachéyeca, atše chabiamama tcbonjanabuayená ora; sëntsejuabná chë taitanga inétsamna crocénana jájuabana básenga jtsanýenama, y ndoñe básenga chë taitangbiamama. <sup>15</sup> Y atše corente oyejuayá lempe ntšamo tsbomncá chanjátšataye, y atše jopochócantscuanënaca, tšëngaftangbe tšabiamama. Atše cada te más cbojtsababuánýeshanëse, ¿tšëngaftanga más batšá atše šmochtsebobonshana?

<sup>16</sup> Ndoñe; tšëngaftanga tšabá šmondétatšëmbo, atše uajabotá sënjamna ora, atše tondaye tcbonjanótjañama. Masque chca, báseftanga imojtsichamo ntšamo ínýenga ndayíñnaca jáingñama atše tstátšëmbo ca, chëngbentsana crocénana josháchiñama; y atše catijama, ínýenga jáingñase, nýe ntšamo atše tsbošcá chamotsamama ca. <sup>17</sup> ¿O nderado atše tchojaingñé, canya chë tšëngaftangbioye sënjichamó chentšáftaca? <sup>18</sup> Tito sënjanimpadá tšëngaftanga



jányama chaotsama, y cháftaca sēnjanichmó chē inya bēngcá Crístbeyeca bēngbe catšata. ¿Nderado Tito tcmojaingñé? ¿Ndoñe ndegombre yondmēna, Tito y atše cachcá fstsjuabná y fstsboše y cachca soyēnga jtsamēse ftsiyena? Ndegombre chca endmēna.

<sup>19</sup> Nderado tšēngaftanga šmojatsjuabná bēnga jenēuyanama chca cbojtsētsētná ca; pero ndoñe chca quenátsmēna. Inyētšá, bēnga Crístoftaca cányiñe mo canyácá entšangcá, Bēngbe Bētsabe delante fsēntsoyebuambná, y lempe ntšamo tijayancá, Jesucrístbeyeca atšbe bonshana catšátanga, tšēngaftangbe tšabiamá tijayana, Crístbeñe corente chašmotsošbuáchema y ainaniñe bēts añemo chašmotsebonnama.

<sup>20</sup> Er atše sēntsauatja, atše jányama chajjá ora, ndoñe chachbondányena ntšamo tsbošcá, y tšēngaftanga atše ndoñe chašmondínýena ntšamo šmojtsebošcá. Sēntsauatja nderado bacna soyēnga šmattsama: jtsenpenzentserana, ínýēngaftaca yapa jtsenántšabošana, ndayánaca rábiaca jtsamana, nýe tšēngaftangbiama tšabe soyēnga jtsebonnama jtsebošana, ínýēngbiama podesca ichámuana, uayátsenayēnga jtsemnana, ínýēngbiama cachēnga más uámanēnga jtsenobiamnayana, y nýetscanga ndoñe cachcá ntsejuabnayana. Chca chachbojánýenēse, tšēngaftanga ndoñe quešmochátsbošana jójēngacñana ntšamo tšēngaftanga jucácanama atše šochtsemncá. <sup>21</sup> Atše sēntsauatja, cachiñe jányama chajjá ora, atšbe Bētsá chaoma atše chaitsēuatja chca šmojtsamama, y chašotsemna puerte ngménaca jošachnama ba tšēngaftangbiama, ndēmuanýēnga ya bayté bacna

soyënga imojtsama y chca juabnayana ndoñe tmonjatrocá, y ndoñe tmonjajbaná chë bacna soyënga boyabása o shembásaftaca jtsamama juabnayana, y chca soyënga jtsamana y nyetsca bacna soyënga jtsamana, jenomándama ntsobencá.

## 13

### *Inye soyëngama jábuayenama y jádiošoftama*

<sup>1</sup> Móraca ya unga soyama tsëngaftanga jányama chanjá. Atše chaijáshjango ora, tojtseytëse chanjayana ntšamo báseftanga tmojamcá tsabá o ndoñe tsabá bétsemnana. Nda bacna soye ntšamo Moisesbe leyinë endëmandancá tojama ora, atše chanjayana cha ndoñe tsabá tonjama ca; pero útata o únganga tmojtsemnëse, chënga chamuayanama cha ndegombre chca tojamama. <sup>2</sup> Atše tempo sënjanabuayená, chë tsëngaftanguentsënga bacna soye tmojánamënga y chë ínÿenga, atše šojtsanmëna jácastigana, chca soyënga amana ndoñe tmonjájbananga. Mora, tsëngaftangbentsana bënoca sëntsemna ora, cachiñe cachcá cbëtëtabuayená, ntšamo sënjanamcá chë tsëngaftangaftaca uta soyama sënjamna ora: atše cachiñe jányama chaijase, ndoñe quichatslesëncia bacna soyënga chašmotsamama y chama ntjacastigacá jatabáshejuanana. <sup>3</sup> Atše chca chanjama, er tsëngaftanga šmontsenguá ndayánaca tsabá chacminÿanyëma Cristo atšbiajana yoyebuambnama. Cristo ndoñe quenátsmëna mo canÿa obenana ndbomnacá, ntšamo tsëngaftangaftaca cha tojamama; ndayá chabe bëts obenana tsëngaftangbeñe bëtská

jtsinÿanÿnayana. <sup>4</sup> Er cha tmojancrucificá mo canÿa obenana ndbomnacá; pero mora, Bëngbe Bëtsá puerte obená betsómñeyeca, cha tojtayena. Cachcá béngnaca, cháftaca cánÿiñe mo canÿacá jtsemnëse, mo obenana ndbomnëngcá jtsemnana; pero cháftaca mochantsiyena, Bëngbe Bëtsá puerte obená betsómñeyeca, tsëngaftanga jtsaservénama.

<sup>5</sup> Tsëngaftanga cada ona šmochjshénojuaboye, tsábá jtsetatšëmbuama mocna entsanga bëtsemnana, jtsetatšëmbuama aíñe o ndoñe sempre Crístbeñe puerte tašmuetsošbuáchema. Smochjshénojuaboye chca šmošbuáchema ntšamo šmojtsemnana y tsábá ínÿenga šmochjínÿanÿiye. ¿Ndoñe šmondétatšëmbo Jesucristo tsëngaftangbe ainaniñe yoyenama? Ndóñesna, tsëngaftanga ndegombre ndoñe Crístbeñe ošbuáchiyënga šmontsemna.

<sup>6</sup> Pero atše sentsobátmana tsëngaftanga ndegombre chašmotsejuabnama bënga Jesucristbe ndegombre ichmónënga ftsmënama. <sup>7</sup> Y Bëngbe Bëtsá fséntseimpadana bacna soye ndoñe chašmondëtsamama, ndoñe chë Jesucristbe ndegombre ichmónënga ftsmënama tsëngaftanga jinÿanÿiyama, ndayá ntšamo tsábá yomncá chašmotsamama. Nÿetscanga chca tmojtsamëse, nántsinÿna mo Crístbe ndegombre ichmónënga bënga ndoñe cuabndmëncá, er chca ndoñe tašuatátëjaboto jinÿanÿiyana ntšamo bënga bëngbe mándoca ftsmënama mo ichmonëngcá, tsëngaftanga jábuayenama. Pero chë soye tondayana šattsentsamna, <sup>8</sup> er bënga queftsátobena tondaye jamana Bëngbe Bëtsabe ndegombre soyëngama contra; nÿe ntšamo chabe ndegombre soyënga

yomncá aíñe. <sup>9</sup> Bënga fsëntseboše ntšamo tšabá yomncá tšëngaftanga chašmotsamama, er bënga oyejuayënga fchandbétsemna, bënga mo chë obenana ndbomnëngcá fstsemna ora, bëngbe mando jácastigama ntjatinÿanÿnaycá, y tšëngaftanga ainaniñe bëts añémoca šmojtsemna ora y puerte tšabá šmojtsemnománda ora. Bënga Bëngbe Bëtsá fchandbétseimpadana, chca bacna soyënga amana jtšajbanase, chašmobená jtsemnana nÿetsca soyënguiñe tšábenga, y lempe ntšamo tšëngaftanga chašmotsemnama Bëngbe Bëtsá yobošcá. <sup>10</sup> Quem tsbuanácha cbontsëbuabiamná tšëngaftangaftaca cabá ndoñe sëntsemna ora; chca, atše choye chajjá ora ndoñe chašondétsemna jabuache jucácanana, mo canÿa puerte mandayacá, ntšamo Bëngbe Utabná šojanbemcá, tšëngaftanga jujabuáchama chábeñe corente chašmotsošbuáchema y ainaniñe bëts añemo chašmotsebomnama, y ndoñe tšëngaftanga jatapochócama.

<sup>11</sup> Morna, Jesucrístbeyeca atšbe catšátanga, tšabá chašmotsomñe, šmochtsajbaná chca bacna soyënga amana y šmochtsemna lempe ntšamo Bëngbe Bëtsá yobošcá. Smochjouena ntšamo tcbonjabuayenacá, nÿetscanga cachcá šmochtsejuabnaye, nÿetscángaftaca natjëmbana šmochtsiyena, y Bëngbe Bëtsá, chë cmondababuanÿeshaná y tšëngaftangbe ainaniñe tšabe ebionana chašmotsebomnama endamá, tšëngaftangaftaca echántsemna. <sup>12</sup> Nÿetscanga šmochjenchuaye mo Jesucrístbeyeca catšatangcá, jtenámochëse, ntšamo cach tšëngaftangbe pamíllanga puerte bonshanánaca šmondbetsacheuanaycá. <sup>13</sup> Nÿetsca quem luaroca

ošbuáchiyënga cmontsacheuaná.

<sup>14</sup> Atše, Bëngbe Bëtsá sëntseimpadana, Bëngbe Utabná Jesucristo chaoma, nÿetsca tšëngaftangbeñe tšabe bendicionënga chaotsemnama. Bëngbe Bëtsabe bonshánana sempre chašmotsóbomñe, y Uámana Espíritu sempre chašmotsóbomñe, y chë Uámana Espíritoftaca cánÿiñe mo canÿacá chašmotsomñe.

## **Bëngbe Bëtsa Cabëngaftaca Entsoyebuambna New Testament in Camsá**

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Camsá

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files  
dated 29 Jan 2022  
19104c0e-9046-5ff3-82fb-eb838c88dcf9